



C3738



江甯金石記卷七

元

聖旨碑

長生天氣力裏大福廕護助裏皇帝聖旨中書省樞密院御史臺官人每根底行中書省行御史臺宣慰司廉訪司官人每根底各城子裏達魯花赤官人每根底軍官每根底軍人每根底眾百姓每根底秀才每根底宣諭的聖旨集賢院官人每奏我世祖皇帝自潛邸以來首務立學養士及登寶位天下混一內自京師外及郡縣無不立學以明人倫以厚風俗以養人材以隆治本列聖相承諳諳勉勵科舉條章國學典制俱以昭明伏慮有司視爲文具怠於舉行今皇帝卽位作新學校的聖旨頒降四方以期成效麼道奏有如今科舉取士已有成規國學積

江甯金石記卷七

分省臺公試依己了的聖旨行者秀才儒戶每不揀甚麼差發依著世祖皇帝聖旨體例裏休當者儒戶及民間俊秀子弟入學讀書者各處廟學書院房舍裏官員使臣軍人每休安下休斷詞訟休做筵會休造作休頓放官物地土口土莊田不揀是誰休侵奪者在學錢糧供辦春秋二丁朔望祭祀及師生廩膳贍養貧窮老病之士修理損壞學舍者曲阜林廟如有損壞依例修理者各處先賢墳墓無子孫的所在官司禁治休損壞者儒學提舉教官人等遴選有德行學問的人委用者學校的勾當不揀是誰休沮壞者路府州縣官人每常切用心提調者監察御史廉訪司官人每勉勵體察者這般宣諭了別了的人每他每不怕那聖旨

元統二年三月 實日



右碑正書在句容縣學按元紀元統二年二月己未朔  
詔內外興舉學校此詔蓋蒙古語以俗語譯之未經儒  
臣潤色開首三語與家藏雞兒年懿旨碑相似蓋當時  
寫諭旨之式如此耳

靈谷寺鐘文

周辟邪鐘 篆書

乾隆丙午夏旱聞鍾山茅草凹有古碑今見之說與弟  
晉過訪乃知建文四年正書投龍簡記二小碣也遂移  
置朝天宮玉皇閣歸而想于靈谷寺晤江浦韓介堂同  
觀元順帝重紀至元之二年能仁寺僧所鑄周辟邪鐘  
銃于鉦甬之式皆仿古製鐘乳三十六枚與鄭康成說  
合能仁寺在城內卽昇元閣故址洪武中始移置聚寶

江甯金石記卷七

二

門外鐘之移于靈谷其在此時乎介堂爲賦長歌詠之  
有關考證因錄于後介堂名廷秀庚戌進士出宰馬平  
七日而歿聞其遺集失傳尤可傷也詩云昔讀臯氏文  
但載旋蟲名攬網援簪刻筍簾未聞甬上蹲猱獮鄭以  
今製詁古事謂如辟邪懸漢京爾雅釋獸書最古此物  
不載殊非經漢通西域到烏弋桃拔符拔如山精辟邪  
角雙天祿隻孟康注始詳其形姬周何緣鑄圖象攷古  
到此空曹曄白虎辟邪主除道曾聞李氏雷鏡銘洪相  
誤以辟邪釋形事轆轤遭彈抨黃初元年古井器銘字  
斑駁猶難憑竭來古寺見法物篆閒枚景排列星至元  
之年重鑄此意欲尙象追韶讖鼓鐘於諭儒者事靈音  
誰許桑門賡惜哉禹鼎不可見正名百物當重評

祈澤治平寺捨田之記

江左勝地古迹治平六朝遺恨自晉而興有莓蕪澗致祖師生  
誦法華妙感龍女呈祈求有感祈澤名賡迨此千年香火常興  
徒僧姓陳其名曰亨自幼捨俗利祿皆傾天之佑之時行道行  
凡事謹慎而無喻但守本分而和平壽高六旬以上德洽眾士  
之榮耄今圓寂特攄至情將在生但有衣鉢歸常住示作生營  
怡然而化西方是程佛祖捨身捨命徑達大乘吾師捨田捨財  
切利當陞我輩聞鐘喫飯深慚無德無能自茲一靈不昧法力  
常增

又值耆宿譽公和尚

乙亥正月廿六日忌

同發慨心捨田作常

住產同結善因所祈佛力護持者歲在至元丁丑仲春吉日謹

記碑未刻住山  
釋承順立石

江甯金石記卷七

三

右碑正書在祈澤寺無書撰人名殆卽出于承順之手

按靡蕪澗在上元城東三十里齊處士劉瓛居此爲儒  
林之宗年四十未婚其友爲娶王氏乃詣澗折靡蕪而  
去因此得名事詳六朝事跡碑作莓蕪澗疑緇流未之  
深攷而有筆誤耳

孔子小影書後

謹按闕里祖庭廣記唐道子所畫先聖隱居以十弟子從謂之  
小影摹者多訛至元三年後丁丑冬十一月南臺都事周公舜  
舉以耀州學大觀開所勒石本白于侍御張公夢臣經歷廉公  
亮命學官重鑄于石以示其傳集慶路儒學教授劉一夔學正  
董經學錄劉天錫敬識

碑下刻部  
人鄭楸鐫

右碑正書在江甯縣學大成殿內祖庭廣記先聖四十

九代孫瓌敬所編

句容縣恭刻制詞記

孔子之道萬世準則歷代崇奉有隆無替然未若聖元推尊加號之極其至也國初諸事草創文治未遑太宗英文皇帝建學中都遣國子就學士之通經中選者復其家世祖皇帝勅上都天廟聖像十二章服暨純以金飾之登用儒先禮聘文學之士學校有官鄉社有師詔旨敦勉著于令甲武宗仁惠宣孝皇帝加大成至聖文宣王號遣使闕里以太牢祀郡縣廟學敷宣綸言鑄之貞石昭示永久仁宗皇帝正孔廟配享位以宋九儒暨先正許魏公列諸祀文宗聖明元孝皇帝繼志述事加封宣聖考妣齊國公曰啟聖王魯國太夫人曰啟聖王夫人厥配并官氏曰大成至聖文宣王夫人加充國復聖公鄒國宗聖公沂國

江甯金石記卷七

四

述聖公鄒國亞聖公復追封二程子河南伯爲豫國公伊陽伯爲雒國公朝議刻制中外廟學于是集慶路句容縣尹李允中教諭劉德秀輦石就髹書刻有曰謂宜有紀述以彰昭代右文之懿宣聖五十四代孫思立適爲監察御史請之起巖至於再三豈以起巖常承乏胃監累官史局詞垣于紀述爲宜也哉蓋前聖之道得孔子祖述憲章而益以顯後聖之心必孔子是則微而爲盡善夫師其心必崇其教崇其教而不論其世可乎斯道之所以亘萬世而不弊大倫以明生民以安世運以昌一皆原于聖人而尊其所生以及其配允謂稱情矣況斯道之傳派承所在至于繼絕學而繩墜緒盪除習俗開發我人功加于前德垂于後者尤在表襮也夫以國家重民教尊聖學擴充翊達無所不用其極則職乎近民而膺承流宣化之任者其整飭作

新當何如哉繼自今以往凡來遊來觀仰瞻奎璧雲漢之章宜知所嚮矣

碑未刻  
未漢刻字

右碑正書在本學宣聖五十四代孫承德郎江南諸道行臺御史監察御史孔思立書通奉大夫江南諸道行御史臺張起巖文并篆額後至元戊寅五月立

### 句容縣學大樂禮器之碑

皇朝尊尙聖道推崇孔子自國都下逮郡府若州縣莫不有學學必有廟祭必用禮樂參酌古今損益時制釋奠儀式著亏令典惟其守宰有哲有愚故其禮樂有舉有廢豈亦以禮樂待人而後行歟按梁王世紀漢魏以來闕里雖崇典祀隋唐始詔天下州縣皆立學春秋二丁陳三獻之禮宋政和閒始頒大樂禮器許內外族人及縣學生咸使肄習然皆未有若我朝禮樂備

### 江甯金石記卷七

五

舉之爲極其盛也句容爲金陵屬邑學創于開元迄今六百餘年其閒興廢不一再紀至元之二年教諭劉德秀來典學事歎垣宇之弗葺切切疚懷白縣長佐縣尹李允中然其言僉謀曰學校乃育才之地風化之原禮樂之所從出也宜相與戮力以振斯文遂擢節歲租度材底法以飭宮墻崇廟貌爲先又命立石六跌恭刻皇上勉勵徽章先皇帝加封宣聖考妣及四配豫洛國公之制詞侍御史張公起巖爲文紀之丹堊一新講習以盛適縣尹秩滿告行謂同寅曰學校苟完美矣雅樂未備高禮未輯如神之來格何監邑丑驢敦荏慨然以爲己任率僚佐各捐已俸倡之鄉胥里人相與觀感而樂助焉教諭幸其成不憚勞勤贊佐之迺製幅巾深衣感以襮幘角帶革舄會陸拾龔命銅工爲冶造簠簋壘爵禮器凡百伍拾有壹各分職以執其事

至于鍾磬笙簫琴瑟埙篪祝敔篥簾之具一務精緻以圖永遠而不靳於貲樂生二十五員遴雋雅子弟爲之致郡庠典樂士淑習浹月秋丁告成書其實請記于余余聞之先王之制禮樂也有本有文誠敬和易本也器數制度文也本主乎中文著乎外故郊焉而天神假廟焉而人鬼享用之朝廷則和而平用之邦家則無所處而不當吾夫子曰禮云禮云玉帛云乎哉樂云樂云鐘鼓云乎哉蓋以本立而文有以行也絲衣之紕載弁之綵犧牲之備粢盛之修玉帛充庭而鐘鼓在序文旣著矣儼乎有聲肅若有容齊被一心對越如在斯立焉由是而事親從兄序而大和恭遜雍愉之化漸被鄰壤斯則禮樂之實而聖人之大教朝廷尊尙之盛意也器不預焉尙相與勉之

碑未刻金  
陵樊宏毅

江甯金石記卷七

六

右分書碑在本學賜同進士出身儒林郎江南諸道行御史臺監察御史趙承禧撰文林郎江南諸道行御史臺管勾曹復亨書朝列大夫江南諸道行御史臺都事姚紋篆額至元五年五月日建文筆詳贍書法秀整稱元碑之佳者而教諭之職脫脫元史未載蓋缺文也碑陰正書紀造祭器之數亦甚詳備

大樂禮器碑陰

元祭器口口銅祭器壹百壹拾捌事

山尊貳尊尊貳大尊貳口尊貳壘壹盥盆壹象尊貳犧尊貳簠  
陸連蓋簋陸連蓋杓參坩貳拾肆豆肆拾柒爵拾捌古銅花餅

香鑪壹副錫花餅香鑪壹副俎叁拾籩伍拾

新祭器禮服雅樂口口銅祭器壹百伍拾壹事

爵壹拾柒坵壹拾柒盞貳拾連蓋 簋貳拾連蓋 豆伍拾沙池伍

犧尊貳象尊貳盥盆貳杓肆大鐘壹并架 登壹連蓋 銅壹連蓋

大花餅貳香鑪肆大香爐壹

雅樂壹部

麾竿壹龍頭紅羅衫裝全 銅鐘壹拾陸木架飛鳳龍頭 石磬壹拾陸木架

飛鳳龍頭流蘇裝全 簫貳搏拊貳連條 祝壹敔壹連鐵 瑟絃馬架全 鳳

簫貳搏拊貳

禮服陸拾副

唐帽叁拾玖角帶叁拾玖皂靴叁拾玖雙白北絹襪衫叁拾玖

領幅巾貳拾壹深衣貳拾壹領皂履貳拾壹雙以上一列

督工江裕學職江清涵江縣森柏純胡體仁孔逢吉江澤民徐

麟孫司吏朱士良吳思敬戴瑞許杰王德富湯榮曾元德徐世

江甯金石記卷七

七

英柳元英俞志道孫天敘趙仁趙友仁王德懋典史何驥朱廷

瑞集慶路句容縣尉集慶路句容縣主簿黃買佳承事郎集慶

路句容尹兼勸農事林仲節

方山重修定林寺碑

集慶郡城東南出三十里有方山焉敦厚方正巋然在望於地

勢為貴重者也故宋乾道中蜀僧善鑑築佛寺于山之半請上

定林之名而名之度弟子以居二百年于茲矣世有廣學博聞

之士出於其閒蓋入境相成為勝者也國朝至元初開講席於

郡之天禧真定德公實來上稟朝廷之旨下為庶民之歸宣通

要言聞見開悟居數十年學者日盛德公之歿用其法闡那之

煙焰所及凡竹石林木皆成舍利紺碧圓結人爭取而奉之以

求福焉嗣其講者則瓦官戒壇東魯儒公也志樂閑退委而去

之自方山來主其席宣慈恩之教沛然於是邦者則退菴無公  
其人也天厯天子久潛金陵清燕之暇洗心于佛乘凡行道明  
教之士莫不知名歲己巳無公與二三大僧同朝于京師其徒  
嵩公偕行召見講法深稱旨意寵遇之厚久畱弗遣明年俄示  
寂焉上加閔悼思所以繼之者平山嵩公簡在上心卽遣近臣  
今湖廣行中書省左丞王士宏浙西廉使伯顏帖木兒錫命嵩  
公主天禧之席嵩公曰上恩深重非所敢當况我遵行有絕流  
演公請以命之上嘉其能讓不違其請又與歎若曰雖佛氏之  
言無所忌諱無公旣退就寂滅又以絕流繼之非所以廣學海  
而興大乘也時虞集待立奎章詔爲更之集以上意更之曰道  
源于是命士宏傳詔俾演主講于集慶而嵩次之賜伽黎衣織  
金爲文妙麗殊勝上嘗奉觀音大士香像于內閣及北還出付

江甯金石記卷七

八

演嵩崇奉之至是兩賜錢凡伍萬餘緡俾爲閣以居之日致瓜  
華之供皆士宏所傳旨也旣而衣以重幣錫以名香加以美號  
恩數之隆演嵩二公益無異也及嵩繼演今上皇帝御極嘉惠  
法林金衣香幣之賜名號之美亦一再至而天禧之盛洋溢于  
方山之表矣定林三出名士寵光相承泛觀東南未有能及之  
者矣嵩公思定林之舊而受業師妙至在焉不忍亡其初也乃  
出衣孟之資興土木之役加意于定林大修寶殿經藏傍及修  
廊與凡屋之爲羽翼者弊而圖全與更新無異所特作者寺之  
僧堂三門鑄大鐘建樓以居之買田得若干畝取其租以備歲  
月之完葺者焉功成今浙西廉使伯顏帖木兒治中與集皆同  
朝過行臺見嵩之成績以書相告請爲之紀焉其來者徑山第  
一坐道甫蚤受業于定林者也至于山中相從易朔而後從容

及之可謂委曲者矣集嘗聞之眾生自無始以來執著諸有以受苦極諸佛悲憫示以空法又懼滯于空寂中道出焉是故無有亦有無有亦空則妙有真空無閒然矣使彼蠢然含靈之眾日用而不知者以冰釋疑須識根本此吾佛教意自世祖至于今上皇帝列聖一心崇是教以福斯民有在于是其可無以記之哉崇公身任講事之重不違世法又廣剎海以表其初心道甫分席之山其所以來告者不墮于有爲不滯于無爲故集得以緒言記之也如此

右方山重修上定林寺之記前奎章閣侍書學士翰林侍講學士通奉大夫知制誥同修國史虞集撰資善大夫湖廣等處行中書省左丞王士宏書正奉大夫江南浙西道肅政廉訪使普顏帖本兒篆額至正口年歲在

江甯金石記卷七

九

乙丑立孫廷松按元史文宗爲武宗次子至治二年出居南海三年晉王立爲帝改元泰定召帝之瓊州二年又命出居建康碑云天厯天子久潛金陵謂文宗也

重修達奚將軍廟之碑

縣治之東南有達奚將軍廟其神端坐擐甲執兵前侍立者四人歲久廟宇頽毀像飾漫漶有幅楮帖殿東楹數字可辨云梁承聖初洪遜爲國子祭酒其下磨滅莫考最後云至今簷楹鳥雀不棲後至元庚辰夏五亢旱邑之長貳徧禱羣祠以祈至廟邑長丑閻公祝曰神若有靈能降雨澤民當使廟宇一新是夜樹雨如注迨秋仲復禱晴于神又獲其應歲用以登於是耆老陳德新紹箕等謀於眾曰在禮能禦災則祀之能捍患則祀之而山川之神能興雲雨以澤民者咸在祀典今神廟食于茲雖

莫知其始然雨暘之禱各以時應愚等託處茲土宜協力重構以昭荅神貺且以致祝辭之信於神遂乃鳩工度材因舊基而拓之深五丈六尺廣半之中爲堂三間前直兩廡外闢崇門去廟西北五十步立神道門復甃石以達于廟巖巖翼翼閎偉炳煥始事于十月之望訖工于臘月之朔凡所資費皆翕比以集而神像部從則邑長貳等相與捐俸飾之既完眾請予紀其事按達奚本番族蓋因達山溪水得姓魏隋閒著姓西北今將軍獨以姓顯而名號世載未有記之者世傳南來時與沈襄王戰死於縣西之華墓崗又俗稱環廟之地卽將軍甲城雖其說不可遽信然予意將軍雄武英烈生必捍禦災患爲國捐軀故民懷思而廟祀之况歷年之久祈禱嚮應福澤洋溢流于無窮蓋惟神祐不厭于民是宜官民之崇奉恪恭而廟宇增飭也雖然

江甯金石記卷七

十

神之靈固赫赫而不可誣矣其所以格之者亦惟人之誠信相孚而已予于是有感焉於戲吾黨膺百里之寄以牧民爲職者可不思盡撫字之方俾民物安阜以對越于神乎系之以詩曰武冠韜略稟英姿兮兜鍪杖劍揚旌麾兮奮身爲國載驅馳兮慶流衍溢民懷思兮懷思伊何崇厥祠兮瞻此甲城神靈綏兮林巒鬱鬱曲流漪兮歲時報祀潔盛黍兮佑我百里集蕃釐兮堅珉載勒期永垂兮

碑未刻承務郎集慶路句容縣尹兼勸農事李溥立石督工司吏朱士良王德富金

陵樊宏  
毅講

右碑正書在句容南城外承事郎前集慶路句容縣尹兼勸農事林仲節撰文進義副使尉集慶路句容縣主簿樊嗣祖書并篆額至正二年正月廿二日立按南史周宏讓梁承聖初爲國子祭酒二年爲仁威將軍城句

容以居命曰仁威壘今碑作洪遜且遺其姓古刻文字有可以據碑以駁史者此則又當據史以正碑也達奚氏後魏獻帝第五弟之後爲代北著姓見于史者不一其人然以戰功顯者多在西北今碑所云未知何據

達奚將軍廟碑陰

建廟施財題名

重建廟宇陳德新朱必富樊鎮

瓦瓷廟宇陳紹箕劉宗慶翟慧成許良忠

周圍墻堵甃砌地面門窗遮陽芮勝富張朝貴張德富徐必富

倪德富

龍帳徐鑄

凍飾居元明

江甯金石記卷七

廟門外甃石街紀忠張仁榮戴壽富

神道甃石二十丈提舉司知事張廷瑞

神道門揚大明

裝塑聖像本縣官司吏孫克新張德亨劉鑄徐處信戴誠姜祀徐世英曾元德譚永和典父周夢麟趙由道縣尉張奎主簿黃買任縣尹林承事達魯花赤丑閻敦武焚修陳道良

右碑陰人名中有居姓按杜佑通典晉大夫先且居之

後以王父字爲氏漢有東城侯居般今錢唐多此姓又

有揚姓从才劉氏漢書刊誤云楊氏有兩族赤泉氏从

木

揚震也

子雲从才攷漢郎中鄭固碑云大男孟子有楊

烏之才又揚德祖與臨淄侯牋云修家子雲視此楊與

揚古本相通也

重建清源廟碑銘

并序

蜀三神皆在祀典皆因有德與功爲民所敬仰雖皆肇迹西土  
威靈之烜赫森遠弗屆東南去蜀萬里三禮之祀徧于郡國之  
閒其先後曼巫而清源爲之首稱按史神姓李氏蜀守諱冰之  
子歿而始祠於灌口繇漢迄唐宋厯千有五百載初侯終王龕  
命相繼我國家用監于前代增號于延祐改封于天厯以禮之  
靈凡再致隆極聖天子嗣位又詔加護國於舊號之上惟神佐  
乂宣力于秦世闢溷崖之險成漑田之利至于凶象之誅萌庶  
呂安惠澤所施被于無窮可謂德孚於民矣在國之初時剿鬪  
帥專征董師于邊以討弗口爰及往歲憲臣定謀堰石捍江大  
役是興咸禱于神顯獲嘉應可謂功著于國矣方天下一統無  
閒遠邇夫其在所宜祀則承上之命報事惟一於義爲協不得

江甯金石記卷七

三

以山川之祭限于封竟眊爲比行廟所在葺以時固有不可  
廢者金陵自宋季旣竝祠于三神而清源君獨有專廟于城南  
廟之故榜置宋年曰嘉熙蓋嘗壹葺其壞推所由建則郡志蘇  
所考而遺老旣盡莫有能知之者地據會昇陞級以登面城而  
頰之方爽特出宜爲神栖然其因山呂基隘弗加闢度址而構  
痺以求稱不足以嚴事大神況積日之久廢撓墮夷恬習呂常  
而瞻敬益衰粵戴氏榮祖實維邑人嘗欲改佗崇墜以暨門廡  
而弗果後卒之二年嗣子元吉思成其父志乃以緡錢二萬疋  
五興材合僚友之助告于邑令張侯遜顯舉而新之棟宇以隆  
像設呂華復拓地爲前庭爲重門糞途以達于外將以至正元  
年六月十五日落成于廟邑士相率致令之言曰惟昔之葺歲  
月弗紀闕焉呂及今今又霖辭以著改之所始非所自垂示遐

久之道謹具碑廟門而揭其刻石之辭戴氏之居鄉也凡媼族閭里之孤貧周之無所吝人皆稱之以爲惠蓋能用其財而施以義者元吉克肖而諱□□其臬也無難焉繼自今不惟禴安厥居民亦將永有庇賴呂丕承其休祉是□□銘曰

業業新廟兮于彼南岡赫赫明神兮于烝呂嘗神惟民祐兮爲父爲母捍患禦災兮功剛多有帝嘉神功兮寵錫褒封爲國報神兮敢或不共葺祠孔肅兮彖走攸服民職當然兮匪亂傲福維西有梁兮道阻且長望神之來兮雲旆央央牲醪旣戒兮敬事無忘神樂視民兮如西之愛匪廟曷甯兮匪人曷興構葺之勤兮宜後其承爰述成績兮託于貞石用告事神兮有永無極

碑後刻集慶路承務郎集慶路江甯縣尹兼勸農事張遜立石

右碑分書在江甯雨花岡三茅行宮內將仕佐郎甯國

江甯金石記卷七

三

路南陵縣主簿李桓撰從仕郎江南諸道行臺御史臺監察御史管勾承發照磨兼獄丞趙儼書奉議大夫江南諸道行御史臺監察御史兀顏思忠篆額至正二年歲在壬午三月十九日立額仿漢制刻鶴鹿各一碑云三神者清源梓潼射洪也三神祠皆盛于宋時晁氏讀書志有蜀三神祠碑文五卷并虔任四川漕日袁集成書當時崇奉之盛如此按元紀至順元年正月加封秦蜀郡太守李冰爲聖德廣裕英惠王其子二郎神爲英烈昭惠靈顯仁祐王據碑言延祐增號及順帝時加護國字則史所未載蓋元史諸帝紀不出一人之手或詳或略無一定之例也

清源廟碑陰

新建廟庭助鈔信士芳名於後

戴榮貴捐已財裝塑聖像一堂及龕帳供桌全備王實甫貳拾伍錠李子善貳拾錠王仁甫壹拾錠口思齊伍錠下缺二口執人名仲英壹錠趙仲口壹錠福院主壹錠至正壬午三月吉日戴元吉識募緣焚修真元羽士李成

王惲秋澗集云元朝至元寶鈔凡十等一十文爲半錢

二十文爲一錢三十文爲一錢半五十文爲二錢半一

百文爲五錢二百文爲一貫三百爲一貫五錢五百文

爲二貫五錢一貫爲五兩二貫爲十兩五箇一貫爲半

錠五箇二貫爲一錠元史食貨志其言鈔法只書十計

百計貫計而未及錠計閱此碑陰初不得解因詳錄於

江甯金石記卷七

此

集慶路卞將軍新廟記

君子之爲治也先事而致思舉一以諷百是以臯陶伊尹舉而不仁者遠孔子作春秋而亂臣賊子懼孟子以比於洪水之平知幾其神乎此識者之所以撫事而三歎也東晉之興僅以自立詩曰無競惟人不有君子其能國乎卞將軍與王茂宏諸人共佐成帝將軍慷慨之論茂宏猶將愧之蘇峻之召將軍蓋力論之而庾元規不察也峻入而事迫以都督出戰力疾赴敵以死二子從之雖將軍父子忠孝垂諸千載而無愧贈官表墓疊見於身後而溫之跋扈元之僭逆相望而起使將軍在豈復有敢侮而通者乎後之國于東南者顧瞻山川思其風烈廟祀固有不可廢者矣宋之慶厯可謂全盛金陵邈在江南而守臣刻

石表墓以率其人者其志亦微矣迨至元祐口忠厚老成之君子其餘無幾而一切功名之說其禍未已守臣曾公肇大興將軍之祠作文以記之其意之所在以爲西晉以來清談勝而節義廢學士大夫不以苟免爲恥慨然於將軍之所不可及者孰謂無數十年而宋遂亡其致禍之由豈真清談之流乎宋之南渡視晉不甚相遠異懦苟且阿附患失之小人瀆亂國是有志之士不遠去則死耳卒不得略如其志若魏國忠獻張公其人

也胡忠簡公銓以口語爭之卒陷大禍宜其於將軍之祠髣髴慷慨而不能自己是以胡公爲張公記將軍廟事將以發千古之悲開來世之烈後十餘年文武之臣有以禦侮而定難以存社稷者蓋諸君子相與風動之也嗚呼往事不足言矣洪惟我世祖皇帝觀兵大江隨定南服方伯連帥列置郡會惟金陵東

江甯金石記卷七

五

南之總也是以挈其領而爲治焉置行御史臺等耳目之寓以臨察之潛機深略聖謨宏遠矣哉是以江海之表大小率職民物又安則咎有以畏服其心而然也噫天下治平之日久矣列土分邦豈復有前代一隅之慮乎然安不忘危治不忘亂此識時之俊傑常存心于不見是圖之時也是以令臺臣激濁揚清其生存于今者固無不盡而荒邱遺廟近接見聞有可以表章若下將軍之祠者亦無所遺忘長顧却慮致悠久之思於隱微之間此豈非世祖皇帝至于列聖之所以望于耳目之臣者哉使封郡受事之吏四方遊觀之人有所觀感焉而傳誦無遠不屆忠孝之念油然而生於國豈小補哉傳曰出其言善則千里之外應之況其邇者乎然則非獨爲金陵之邦修其廢墜以行其常事而已新廟之作實始于至正二年臺臣用監察御史言

命集慶守臣白于行省出金穀材木而更作之廟室三間奉將軍像以其子眡肝伯食其寢則奉裴夫人之主居之周以行廊前崇重屋繚以藩垣表之三門以成廟之制凡廟皆新材惟寢則樽節舊廟之尚可使用者可就之也計其費爲中統鈔二萬七千五百緡粟二百石廟在將軍墓南實古冶城道家永壽宮在焉宮之主者陳寶琳守祠事相凡役以究其成使其徒來求述其事以作迎饗送神之詩歲時行祀典奉明詔有所昭享則用之于時臺官御史之爵名下至郡縣之執事者列而載之以示永久其辭曰

鍾山出雲旗纛徘徊大江揚靈赫若風雷顧懷舊邦新廟翼翼誰其從之二子在側勸孝表忠自我臬司若蒿千年君子之思天子仁孝見帝于郊錫享遺忠越羹毛炮肅肅駿奔臨以執法

江甯金石記卷七

去

孰茲來宗訓勵承乏豐草宿露冶城之下斂爾貔貅考我鐘鼓先民之遺爾子爾孫夫人在房祀以義存匪忠非臣匪孝無子相爾室家神其燕喜精明在天聞者作興司憲有爲詭淫是懲覆燾者天臨照者日桓桓將軍作我民則神來我依神去我思有貌如生何日忘之

右碑正書前奎章閣學士翰林侍講學士通奉大夫知制誥同修國史虞集撰榮祿大夫江浙等處行中書省平章事懷慶書翰林學士承旨榮祿大夫知制誥兼修國史知經筵事張起巖篆額至正五年十一月立卞忠烈廟記三篇曾文昭公胡忠簡公竝此作也發揮卞公忠孝之節歷代崇尚之典詳矣明天順四年朝天宮災延及公祠恚爲燬燼成化五年郡守蕭彝復依舊木重

刊于石三公名蹟乃得復傳至今余家知白齋所藏爲  
焦文端公舊物尚係元拓愛其書法平原裝潢成冊以  
貽文俊姪爲楷則焉

### 重修縣學記

句容爲縣最古漢長沙王子黨建侯於此國朝舊臣創兀氏亦  
以此封王爵其廟學宏壯異他邑第歲久不治漸入荒域至正  
丁亥八月縣尹邯鄲張承務士貴迺率義命工不資學計自堂  
徂門暨翼序廡庑都宮環堵罔不畢葺遂使雕甍丹楹朱扉網  
戶悲逾舊觀當興役之際適有凶盜繇淮甸厯宋方登茅昇涉  
土橋問津龍潭欲走江以逸鎮南王令司馬曾有臺帥臣督十  
餘路戎士圍于東華山抗萬夫長江甯監邑死之彌月有半始  
克殄滅於時應酬徵需供億軍餉承務寢食兩忘一如律令仍

### 江甯金石記卷七

七

于巡徼關柝輯綏里閭之隙不憚勞勩篤意廟學可謂本末具  
舉得爲政之要矣予膺臬寄海北尋調西蜀未幾遽拜工部之  
命速抵金函溧士謝瑛時攝事於學請文以識諸石子惟正人  
心厚風俗無一不本於學人心正風俗厚凶盜安從生哉承務  
能飭俎豆于甲兵中以急人之所緩視不知所當務者遼絕矣  
則其政績宜亦可歌故輟行不讓系以辭云

易列蠱卦事壞必新詩誦泮宮專美魯申先甲後甲爻象可則  
獻馘獻俘卒以滅賊破殺越人暴禦國門緣教之失懿德遂昏  
駢首就擒或斲或磔究原以思惕然其惻禮讓興行疇不向方  
雖賞不竊刑厝成康猗與張尹卓見不忒尊崇聖道淑此邑國  
美錦優製聲藹弦歌纂庸樂石永矢不磨

碑末刻中山  
謝瑛立石

右碑分書正議大夫中書工部尙書高昌侯哲篤撰從

仕郎贛州路龍南縣尹兼勸農事中山李桓書并篆額  
至正八年戊子五月吉日立碑辭閱整歌亦典雅在元  
文中堪與晉卿道傳並駕李桓書亦雄渾有法

崇明寺藏經院記

句容縣治在金陵之東九十里以茅氏所居之山句曲而有容  
故名縣縣之崇明寺邑民祈福之都會也按郡志西晉咸甯中  
郡人司徒登捨宅爲寺初名義和梁昭明太子嘗書其顏附列  
三十六院唐會昌間中微繼以災毀惟天王殿度鐘之樓得不  
燬焉宋太平興國中改賜今額其時天祐二年太師中書令吳  
王楊行密嘗夢遊松檜林中感彌勒世尊爲說法要覺而追憶  
所在歷歷在目使圖而求之蓋是寺也尋聞於朝出財作大殿  
以奉彌勒之象時院之葺者才有八所曰南觀音曰藥師曰

江甯金石記卷七

六

南釋迦曰天竺曰千佛曰妙雲曰中釋迦曰四聖曰瑞應曰彌  
陀曰北釋迦曰北觀音曰天王曰羅漢曰瑞像曰大聖曰文殊  
曰經藏是已諸院皆習瑜迦教法惟經藏爲禪院寺有藏經相  
傳有七人者過之儀狀甚偉手書是經合爲一藏字畫宛如出  
一手書旣不知往所或以爲天人云天王殿鐘樓制度殊古固  
無恙也儀像亦非今時造像者所可企及而彌勒之殿歷年凡  
四百五十餘祀棟宇侈傾殆不能支風雨矣寺之千佛院僧守  
廉妙法各以其師廣庵方公茅齋已公所遺之財倡之而邑人  
杜氏甫榮旣鄉鄰爲善之士咸出財佐其費迺大致隴蜀良材  
以至正六年春悉撤故而新之明年夏集事勦聖畢具規制視  
舊加高敞矣爲費凡四十萬緡而出諸廣庵茅齋者十之七八  
也又明年住山永襲列其事使寺僧道山守玉介吾友師一之

書來徵言顯書之子嘗得唐白樂天遺事每讀之輒廢卷永慨而羨慕之也蓋樂天暮年使工畫者作彌勒變相每清晨祝曰居易以宏詞登科進士及第受官二十任食祿四十年建寺兩所書經一藏造像百軀飯僧萬餘以此殊勝之利回向眾生云者惟漢晉唐宋以來諸賢之留神內典者至毀形服以預僧倫捐田宅以爲幢刹固不加少而忠言嘉謨效于當時文彩表于後世死生窮達不易其守而道德高于古人此樂天見稱于昔賢而其遺事則尤人之所難能也吁學士大夫之賢者心期自立固豈望其求全乎是以吾徒紛紛總總要不可以數計求其能庶幾乎樂天之萬一者幾希矣蓋法道澆漓繫社衰落寄吾法者不能以律自檢膠乎利欲視僧伽藍物爲己固有漫不省施者披田建寺所以覲乎我者爲何而形服之所以異乎流俗者果何所事實買馬惟貨是殖致土木以來徭役公府易視列之編氓昔之以道德爲王臣之所禮者漠無聞焉然求如守廉妙法之能以師之所遺而爲佛事者蓋亦寡矣矧能盡乎樂天之所事也哉亦吾法以六度萬行爲入道之門而能施則又守乎六度而該萬行是知守廉妙法之能施則足以信其爲道而足以激夫貪俗者矣是用記以詒夫來者云

江甯金石記卷七

五

碑末刻妙慧宏智大師禪師湖州路翔鳳山顯忠資福禪寺住持延俊監造徒弟大繼嗣惟寶乾嗣吉寶曇元會寶所元進表口普成靜逸知事道昱慧定妙湛勸緣興教禪寺住持沙門繼祖當代住持承襲立石古潤徐文玉鐫

右碑正書在句容本寺妙慧宏智大禪師湖州路翔鳳

山顯忠資福禪寺住持番禺沙門廷俊撰大龍翔集慶

寺首座師一書從仕郎贛州路龍南縣尹兼勸農事李

桓篆額至正八年歲在戊子秋八月十九日立碑述寺

之廢興可云詳矣惟稱藏經出天人之手未可憑信吾鄉盛仲交先生家舊有佛經二卷一署姑蘇陸松書道行般若經一署鮑昇書樓炭經後頁題大宋元祐五年歲次庚午七月初六日起首書造又鈐以句容禪經藏禪寺斗書毗盧法寶延陵姜二酉家亦藏三卷一錢唐張暉書大雲經及般若經一崑山潘澤書法輪經後署年月殊印與盛藏俱同觀此明出儒者之所爲似未可以沙門之言爲信也

德恩寺井欄題字

雷山義泉至正戊子雷秉義建

癸丑季春與姪文俊子元偶步南郊於德恩寺前見古

井一闌刻篆書雷山義泉至正戊子雷秉義建按戊子

江甯金石記卷七

三

乃順帝卽位之十六年劉純之存徵錄云宋丞相李迪題江南義井有三雷山其一今則明書至正豈秉義重修者歟因考李迪義井記作于天聖五年文見建康志碑訪未見

上元縣祈澤治平寺佛殿碑銘

至正五年春予自溧水道迓徑山曇芳禪師住持大龍翔集慶寺因館于寺之東庵祈澤之徒如龍錄其寺故碑謁館所求紀佛殿成蹟且言故碑殘缺并欲掇其概書之不獲辭按碑云寺建于宋營陽王義符景平元年時有裨僧諷誦感龍獻泉之異原隲資以灌溉歲旱禱雩有孚浚厄于會昌墟其地南唐昇元間邑人陳于朝復故址舉僧德謙主之謙道行聞于人人咸翼輔以作興又得徒智安協贊乞成精藍于保大之歲殆將千載

今其里人陳公謙亨樂善有誠一日展敬于殿觀椽棟將毀墜  
願僧永遠曰聖人之居不加營爲何以昭崇祀廣教化吾其爲  
新之可乎曰正憂殿之弊無所圖其新公舉諸心發諸口者寺  
有幸矣公曰諾吾于殿若有宿負殫吾力何辭捐貲一萬餘緡  
賦工度材經始于後至正二年壬午夏落成于四年甲申冬象  
釋迦文殊普賢眾聖位乎其中十大聲聞列其左右殿之後  
位以觀音大士凡供具皆新之復施田給香燈以計永久其志  
勤矣竊惟法教東被世濟其道入知嚮方反乎生而靜者其陰  
翊王度非刑賞懲勸之所能然固其中而不知爲之者猶化工  
之于物也故象教昭代所尊事公信道不回悟物俱多思植善  
本以廣教源爰俾茲山移爲靈鷲人之至于是有有所觀感者  
豈小補哉嘗謂世之事居積者毫髮之利不輕出雖已之所當

江甯金石記卷七

三

爲而不爲矧冒急他人之所欲爲乎是其爲利之計重樂善之  
心輕耳曾不知久則己且不能有而欲傳諸後後之賢否或失  
厥守覆厥有者多矣視公之爲可謂積而能散豈不遒歟或曰  
施報之理何如應之曰譬夫播嘉穀之種吾知其不爲稊稗也  
審矣然權于冥冥者非乃知公字遜卿爲之銘曰

煌煌大教西而東爰以漸頓開羣蒙神僧誦課精誠通條忽雲  
氣下飛龍靈泉浩浩來無窮早乾雩禱成年豐民荅惠利嚴祠  
宮會昌鞠爲荆榛叢父老咨嗟陳靈蹤昇元保大復厥功迨我  
皇元極優崇幢刹綦布俱隆隆陳公作殿發深衷夜觀觀史移  
會空玉豪金相光瞳矐一念無初復無終超入佛境叨行融朝  
昏鞞鞞鼓與鐘法音遐暢宣皇風

碑未刻住持沙門僧如定  
立石監造僧德珣承如

右碑正書在本寺沙門伯元撰中順大夫秘書卿泰不

華書彙芳守忠篆額至正九年己丑歲四月吉日建詞  
致典雅書法似歐陽率更按不華字兼善初名達普化  
文宗賜以今名生平真蹟流傳甚多 家君過雲室會  
藏其書鼠賦風骨內含神采外溢誠書家之傾國與此  
碑溫潤遒勁絕相類也

江甯金石記卷七

三



華書彙芳守忠篆額至正九年己丑歲四月吉日建詞  
致典雅書法似歐陽率更按不華字兼善初名達普化  
文宗賜以今名生平真蹟流傳甚多 家君過雲室會  
藏其書鼠賦風骨內含神采外溢誠書家之傾國與此  
碑溫潤遒勁絕相類也

詩詞

次韻子瞻題郭熙畫秋山

黃州逐客未賜環江南江北飽看山玉堂臥對郭熙畫發興已在青林閒郭熙官畫但荒遠短紙曲折開秋晚江村烟外雨腳明歸鴈行邊餘疊巘坐思黃甘洞庭霜恨身不如鴈隨陽熙今頭白有眼力尙能弄筆映窗光畫盡江南好風日慰此將老鏡中髮但熙肯畫寬作程十日五日一水石

右石刻康熙閒僧閻堂獲于溧水能仁寺土中今爲蕭氏所藏詩題下書山谷道人庭堅六字按內集任淵注云作于元祐二年時年四十三爲著作佐郎詩之刻于江南或後人之所爲歟行書超脫直匹眉山宜有同稱

江甯金石記卷八

一

之譽詩之背鑄迦諾迦伐蹉尊者畫像左書武洞清筆山谷詩上又有十三字似不全梵像贊語觀此詩畫雖同出宋人但無刻時年月可考先後未能以意斷也

閏八月十日同運使正仲大夫提刑若愚司封運判全玉朝奉遊雨花亭一首

閏月稍豐暇清晨適逢休驅車偕羣公始爲斯亭遊鍾山來良維大江西北流臺城古到今舉目意已周晉有尸黎密嘗棲崗之幽君王懷高風立剎旌往由法雲生梁朝雲氣如蟠初生有雲氣狀如飛雪七齡依寶亮俊發欽徐劉講經此寺中天花盈空浮紛狀如飛雪紛白雪飛柳絮未可侔狀如飛雪近來有賢宰亭于岡上頭吳

侯因名之潛德光千秋周覺民命僧構亭昔人登泰山芥視十二州余亦歎羣雄一毛爭九牛豈知振大林保誌嘗目至有八

龍留入龍來聽伏講臺下因未爲推本祕思聊一抽燈明天人師說法歷

劫悠欲放眉閒光洗足先雙收入無量義處身心安如邱陁羅

與殊沙普散千億洲雲公於此時講已不可儔有僧嘗夢云雲

已講此經那可敵也況當幽巖中松拂久唱誦初雲住幽巖講斯典以石

通難解所以善哮吼保誌稱爲優善哉爲妙誰言此華來天地相

應求帝釋舉手閒已入如來眸醉書貽羣公爲我商聲謳題是

詩有謂余日牛頭未見四祖百鳥銜華雲講經雨華未足多也

余日牛頭見四祖後講滅淨品地爲之動然則講經雨花亦何

損內升空也維摩室中天女散華結習盡者華不著身今延于

勝鬘講竟大雪豈非所謂諸所緣法推心所現者乎昔須雲講

說般若天帝雨華佛問此華從天得耶從地得耶天帝舉手而

佛可之華之所致如此余是以有取焉

次韻和正仲燕保甯覽輝遊崇勝鳳臺一首

江甯金石記卷八

二

霜晨飲保甯亭午遊崇勝兩寺連一崗相遠亦相映登臨目所

擊今古坐可證重輕歎吳鼎白黑昭晉乘山空霸氣滅花草埋

幽徑松孤不易立修竹無衰盛徘徊鳳凰臺默默揆所稱虞恩

動植被周道乾坤正儀韶與鳴岐如影隨形凭宋文三十年陳

迹俛仰竟因公肆筆題發我悲秋興鄙哉草閒活起自青衣偵

弱嗣弛嚴訓元嘉僅澄靜鳳兮何德衰來貽後人訂微幹生巨

枝雖有理亦橫非類心必殊同聲始相應邇來王蜀朝攻殺日

靡定而彼四靈物迭出如爲佞因知德未臻不足稱符命已矣

勿復陳杯中醉賢聖

次韻訓提舉林彥伯見贈一首

一篇遺我價十洲累幅溢目如星稠清時名遂事高尙啟期三  
樂消百憂嗟余與公晚相值讀此始歎真詩流辭嚴義篤起余  
興白雲遶筆窗前遊乍如無鹽燭青鏡顧視西子知狂羞又如

午夜披長劍恍惚不辨明珠投爲公聊敘我來幸皇華相厚如  
相酬民淳事簡稱迂拙閱月偶諧庭今修因尋遺跡共登覽乘  
醉賡詠馳如郵王襄宣布豈足頌愧公直欲昭旂旒

次韻和若愚登寶公塔一首

寶塔登題稱逸材雲關岫幌半天開獨龍下峙鍾形峻靈鷲翥  
連翼勢迴翠陵名傳千載遠紫金身應四朝來十虛含吐眞空  
裏假步移文亦小哉

次韻和全玉九日同遊清涼寺過高齋一首

秋雁三山度晨雞五點號節逢黃菊秀庵陟白雲高共泛忘憂  
物聊停好善旄論心如淡水得句勝連鰲事簡曹參市民熙李  
耳牢感辰資友露乘暇集賓蒿嶺鬱青牛氣潮翻白鷺濤清時  
豐遠覽故國喜相遭笑整龍山帽閑追老鵲艘少陵懷北闕靖

江甯金石記卷八

三

節傲東臯傅亮吟登館劉伶醉捧槽行藏雲出岫物我海容舫  
支鶴鳴沖漢莊魚靜樂濠日斜車轉鹿風勁服添羔愛景重鋪  
席窮歡更賦毛臂珍牛渚蟹池盜馬臺醪霸氣卑蝸角塵機息  
兔毫斷金心內固挫物筆端豪烏府風雲器皇華柱石曹吾衰  
亦何幸拭目歎風騷

時賈侍  
御同會

二十七日登長干塔一首

龍盤虎踞爭岩巖長干窳塔當中標幾年遐想入清夢秋杪登  
攀英氣飄因思此塔屢成壞相傳起自阿育朝宿緣土麵獲今  
報八萬四千成一朝列在中華十有九惟茲末後名方昭自從  
五鳳例遭毀下逮咸和纔可條牛停金像旣希有冰泛銅跌如  
獸要太元末年劉慧達四顧異氣山之椒三箇中出三舍利圓  
正光潔如瓊瑤數層寶勢僅增立梁詔方且鋪根苗陳亡火烈

復墜墜興廢豈亦隨所招偉哉天命集眞主湯霓武旆澄氛妖  
六幽葵藿向堯日千仞鳳凰儀舜韶太宗繼志符節合章聖游  
文金石調詩書仁義溢庠序佛老餘教通逍遙祥符庚戌感光  
瑞累歲九成凌紫霄迄今八十有二載香火瞻奉傾鬢羣公  
借我躡危級放身物外情何超心閑不逐去帆動量廓那知空  
界遶奇峯萬點逼冬瘦江水九道來迢迢共欣華旦此緣勝大  
千永峙爲津橋興餘更就竹閒飲妙音盈耳成長謠

是日與發  
運鼂美叔  
及正仲若愚  
全玉同登

### 次韻和正仲遊華藏此君亭一首

迥迢相遇三詩翁適我願兮江之東每乘高興卽同賦矧值修  
竹華嚴宮迫窮收棄勢相遠交我以淡情何重古來金石論賢  
達應求本自聲氣同清晨登此亭亭前羅層峯浮雲開白日金

### 江甯金石記卷八

四

影升珠櫳高標不逐四時變翠色可奪千葩紅一日無此君子  
猷嘯詠已不濃清風颯然至淵明喜動義人容化龍況是葛陂  
杖待鳳幸列朝陽桐伶倫裁嶰谷律呂因雌雄太和尙可致天  
地煩想豈特疏心曾下逮漢蔡邕取椽製笛柯亭中與夫皮爲  
冠兮葉爲酒皆自荆楊之貢東南之美兮冒霜停雪拂景雲而  
縈惠風吾曹對此但欲適清樂不學渭川之人兮資千畝以敵  
萬鍾

### 次韻全玉遊永慶寺觀陳井一首

西北有招提灑然塵垢外茲遊久未遑欣與高軒會邃室儼圖  
畫危亭隱松檜逍遙步荒徑翳密拂輕蓋開冬舍餘清幽律驚  
爽籟行行轉城隅亭午雲容晦六朝三百秋覽迹增悲慨金輿  
成寒灰簪笏散煙靄龍沈景陽井欄刻惟存戒

圖經云欄上刻  
字悉已殘毀惟

戒字更餘三品石默默冷相對我視此邦傾如魚自中潰民財  
盡錙銖民命輕草芥三閣與十賓積累成大愆昔人賦黍離搖  
搖發行邁偶來牽我思已涉南榮誠謝叔源云無爲牽所思南榮誠其多

十一月十日同謁惠烈廟一首

山北迢迢十里餘使華聯轡謁神居吳朝崇構飛蟲後梁帝停  
焚驟雨初松蓋交陰垂道路棠枝孤秀聳庭除太平應禱邦人  
賴惠烈新加益顯敷

十六日題紫極宮鍾阜軒一首

十里龍盤走勢來此軒清對此山開日華先覲東方出春令長  
瞻北斗回地壓靈鼇爲勝境城遷巧冶作瑤臺何年隱几成余  
志世味於今已似灰

正仲移漕二浙用李白留別王嵩韻以送之

江甯金石記卷八

五

二疎辭漢廷故里揮黃金謝公扶晉業不改東山心余亦何爲  
者時動莊舄吟七閩三徑荒白髮西汜侵徒欣倦飛翼獲蔭遊  
鳳林方同墳簾吹又遠金玉音日月正光華海嶽增高深畫錦  
雖適願霖雨斯層岑送公悲且歡聊拂綠綺琴

次韻訓子功行次新林見寄一首

感君故意長赴我同襟期愧無芳蘭美叨沐清風吹舒文振頹  
波歲莫起我思大鵬息六月飲啄宜天池如何偕鷓鴣深林安  
一枝固窮顏如丹欲老頭未絲元凱承華勳正直休明時脫身  
事幽討徒使余心悲況當雪紛紛更得新林詩

次韻訓子功行次白鷺洲見寄一首

已隱南山霧聊經白鷺洲初聞未得見悵望登高樓空城凝寒  
雲目極徒離憂咫尺邈千里此夕如三秋何當侵星來樽前得

詩流一飲詩百篇同銷萬古愁

次韻謝子功見贈一首

一緒連文壁幾重早年宏麗壓機龍心閑自結千巖月音妙誰  
聽萬壑松清入奇懷詩信筆暗通大道酒盈鍾賓筵忽得陽春  
句屬和翻愁雪意濃

次韻謝運判張德父燈夕不赴一首

南國星橋鐵鎖開朋簪聊醉鳳凰臺同民所樂嘗聞孟與物爲  
春略似駘龍曜乍增崑岫出佛華重散竭隨來發篇示我雖温  
麗欺魄連牆肯至哉

是夕會於保甯

白鷺亭送運判張全翁一首

一寸逍遙氣自春等閑語嘿見天真艱難世事嘗來徧平淡交  
情久更親會面只驚蓬鬢改離亭還折柳條新世閒冷煖隨通

江甯金石記卷八

六

塞三紀如常有幾人

初識全翁於洛陽自爾離合不常今已三十有四年

戲荅提舉劉宜翁看山一首

處世能無欲看山豈有難吾心度禪定山亦不須看

送華陽劉法師一首

食霞積金峯行年五十六身輕曠世龜眸瑩新生犢偶乘飛鳧  
來就我簷下宿傾蓋如久要片言會心曲嗟余亦何有所慎止  
能獨乍聆屑霏霏虛室增蘭馥僊僊經累萬卷學者紛麻粟躅車  
循坦途幾人契華轂赤水遺元珠離智不能燭延章洞秋石應  
手黃芽熟先生得何深清名達堯屋優詔辭空衡太平高逸躅  
陰功期三千餘事付神籙臘窮一雨清歸興藹幽谷安期棗如  
瓜茅君朮比玉臨行笑遺余可返鬢毛綠屈胸文兜縣團虬色  
浮粥聊將報齊桃不俟從季卜白雲暫去來碧嶺本無辱預爲

明月思可望不可掬

碑末刻袁居中刻字

右碑正書額題金陵雜詠左朝請郎充天章閣待制知江甯軍府事武陽黃履撰江甯府溧水縣尉周沔書辛楣先生跋云右詩一十九首顧文莊云在江甯府治不知何時移于縣學今在大成殿內元人刻先師像於碑之陰陰轉向外而正面倚壁深閣雖日午非秉燭不能見好古之士罕見之者已亥春嚴子進始訪得之手摹其文就予寓齋共讀快然如鐵網之遇珊瑚也

碑末署名其首一篇題云閏八月十日同運使正仲大夫提刑若愚司封運判全玉朝奉遊雨花亭攷建康志履以元祐六年到官其年恰閏八月又一篇題云和運判張德父燈夕不赴則次年春所作也王濟之姑蘇

江甯金石記卷八

七

志守令題名云黃履元祐中以左朝奉郎充天章閣待制任又引盧熊志云熙甯六年自洪州徙蘇州六年六月移江甯府七月去任盧志稱熙甯者實元祐之誤而是年六月自蘇州移江甯七月去任紀載歷歷可信想卽以七月到江甯矣宋時百司十日一休假亦謂之休澣故有上澣中澣下澣讀周益公撰光堯丁亥本命道場滿散朱表有日踰中澣之句攷其日乃十月二十一日始知中澣在月之二十日今安中以閏八月十日出遊而其詩云閏月稍豐暇清晨適逢休則上澣在月之十日也

永慶寺觀陳井詩云龍沈景陽井欄刻惟存戒按景陽井銘隋煬帝所作隸于石欄之側宋時已不可見此所

云欄刻當是唐開元二十一年江甯縣丞王震重刻者  
但震記云井在興嚴寺而此稱永慶寺豈永慶卽興嚴  
之舊乎又王象之輿地碑目云陳景陽宮井欄石刻唐  
人書今在行宮南宋之行宮卽舊江甯府治也或者元  
祐以後守臣之好事者移永慶之石欄署之郡治亦未  
可定然石可移而井不改求辱井所在者當以此詩爲  
據今城西北有永慶寺乃明時所建與宋之永慶似非  
一地

此君亭在華藏寺寺有石刻宋仁宗飛白書乾道八年  
留守洪遵所刊也華藏之名金陵梵刹志失載不知其  
所在王荆公與弟平甫此君亭竹詩舊有石刻在府學  
卽今之縣學今亦不可問矣

江甯金石記卷八

八

惠烈廟祀蔣子文本在孫陵岡故有山北迢迢十里餘  
之句明初改立廟于雞鳴山而故廟遂廢  
紫極宮今之朝天宮也中有鍾阜軒不見于他書可據  
以補郡志之缺

郭祥正字功父見於宋史今端州七星岩洞口有祥正  
石室遊篇自題子功此碑亦作子功蓋宋人命字多如  
此猶原父亦稱仲原也

周沔字潮宗蘇州人元祐三年李常甯榜進士書法入  
能品

祈澤寺壁高逸上人詩偈

同雲叟道人季西弟宿祈澤寺晨起示以此詩

道人自捲衣欲往夫子林形瘦若鸛鶴復作鸛鶴音此音久不

已擾我清淨心聽爾縱好語鼎足三竹簪松局啟虛曉將見晨  
曦侵霜風滿招提出望青煙岑從君行逾年壯我方外吟會須  
速招隱脫身事幽尋尙爲城郭叟愧爾壁間琴

雲叟道人自夫子林驟款段先我而歸口占一詩戲之  
道人乘款段輒爾馳山川翻然兩角巾似與風爭顛左手不停  
勒右手復急鞭烏裙拍馬腋欲擬鶴升天釋耕觀者人莫知所  
以然定疑雲路闊墜落騎鹿僊

碑內題名二則附後

雲叟庚辰四月二十三日自三茆還來觀高逸上人二  
詩逼暮入城 癸未仲夏二十六日自雲陽歸少憇于

此觀舊題已數年矣雲叟

响展墓宿此翌日阻雨未前壁閒得仲藏詩筆懷想久之

江甯金石記卷八

靖國元年辛巳歲仲秋七日山陰居士趙孟遠書

美酒一千盞嬌紅一萬枝家山歸未得更聽鷓鴣詞

右詩并題名行書書法極佳惜仲藏莫能攷其何許人  
按仁壽縣君蘇氏墓誌云子三人响德順軍司法叅軍  
喙朝邑令岍項城尉仁壽縣君葬於青龍山觀碣後題  
云响展墓宿此因知爲蘇氏之子孟遠蓋其字也

祈澤寺梵仙詩碣

大觀戊子暮春季

虛窗雲暗青燈小松檜無風春悄悄子規枝上叫夢回清磬一  
聲山月曉

官南官北添身累年去年來換鬢青何日歸來閒歲月掃山廬

墓過餘齡

政和癸巳四月二十四日將去此趨闕  
萬里區區學宦遊江南江北幾時休朝來作別殷勤語爲謝多情黃栗留

右梵仙詩碣與前詩竝砌寺中壁上俱宣和四年壬寅歲四月旦日祈澤寺住持道昇上石袁仲才刊中云何日歸來閒歲月掃山廬墓過餘齡殆亦趙嘏之詩末署梵仙二字或亦其字歟

朱子書邵子堯夫遊伊洛詩

六日驅車出上陽初程便宿水雲鄉更聞數弄神仙曲始信壺中日月長

七日南觀噴玉泉千峰萬峰遙相連中間一道長如雪飛落寒潭不記年

江甯金石記卷八

十

秋日口秋禾黍邊農家富貴自豐年一簞雜黍一瓢飲誰羨王侯食萬錢

烟嵐一簇峙崔嵬到此令人心自灰上有神仙不知姓洞門閑倚白雲開

右朱文公書筆法險勁光彩四射與常德府易有太極石刻相似今在府學左廡末有明人跋尾

如愚居士滿庭芳詞

吾乃當塗棄儒奉道遵行聖誨多年已逾三紀截滅六塵緣因習業自營度日未嘗謁見豪賢般若力掀翻煩惱坦蕩獨翛然來斯十四載裝鑿佛像塔宇盡光鮮造遮暘石道直至水磴邊都係束修已錙捨爲助道安禪知慚愧了無所得本覺性明

圓

右詞後題淳祐四年十月望日如愚居士書殆隱逸之  
流惜莫能攷其名氏今在牛首山辟支塔右字類山谷  
又一行云庚戌年九月初二日化按相距作詞時僅六  
年耳偶憶乾隆癸巳季秋隨家君歸自京華初識蔡  
君觀湖以此詞拓本竝鄉先達盛仲交所著牛首山志  
見貽及按圖訪古除所見二宋碑外竟無明代以上古  
刻何耶

秦李斯篆刻

秦始皇帝二十七年遊會稽還于此山埋白璧一雙深七尺  
李斯篆刻文云始皇聖德平章江山巡狩蒼川勒碑素璧文  
見周應合景定建康志引茅山志

埋金碑  
文云不在山前不在山後不在山南不在山北有人獲得富

了一國周應合云耆舊指為秦時古碑近年為好事者取去  
舊在宋靖安道閒文見建康志

西漢東平趙王廟碑

江甯金石待訪目卷一

目見建康志

大司徒甄邯墓碑

在後湖之側目見建康志

茅君別院碑

入分書牛跡山去陸郎橋五里為茅君別院有西漢永光五  
年碑係麻石久損折可摩挲者不過數十字顧郟初陳橫崖  
皆有題識羽士懼人摹榻藏之密室近惟鄭汝器好古訪求  
登山搜考乃得其跡目見劉思敬存徵續錄按汝器名簠康

熙閒人

奉車都尉耿君碑

入分書目見陳思實刻叢編引王厚之復齋碑錄

武氏石室畫像

宋留守方滋摹於紬書閣目見焦竑京學志

吳太極左僊翁葛元碑

在句容西南一里目見建康志

魯子敬墓碑

在江甯上新河拖板橋側目見王友亮金陵雜詠

大泉五百錢

篆書嘉禾五年鑄文見洪遵泉志

大泉當千錢

篆書赤烏五年鑄文見泉志

大吳刀劍銘

篆書目見陶宏景刀劍錄

江甯金石待訪目卷一

流光劍銘

篆書會稽王亮鑄文見刀劍錄

紀吳歷數鼎

八分書在蔣山烏程侯鑄目見虞荔鼎錄

鳳凰元年碑

在孫陵岡目見曹學佺輿地紀勝引丹陽記

晉

維摩居士像碑

顧愷之畫宋蘇頌重刻在戒壇寺目見張鉉金陵新志

史司空碑

永和八年立目見金陵新志

謝文靖公安白碑

漢晉紀事云當時謂難述其功德惟立白碑在江甯梅嶺岡  
目見建康志

太保王祥墓碑

在化成寺之北目見戚光集慶路志

建威將軍竺使君瑤碑

費數撰目見復齋碑錄六朝事跡云在金陵鄉張陣湖

竺使君頌

目見六朝事蹟

謝臨川碑

目見金陵新志

僕射紀穆侯瞻碑

目見歐陽棐集古錄目按建康志云碑在句容縣圃易并堂

江甯金石待訪日卷一

三

平西將軍廣漢侯葛府君碑

在句容西七里墓前目見寶刻叢編引訪碑錄

盤白真人李僊公碑

目見建康志

尚書建安太守史府君墓誌

目見寶刻叢編引諸道石刻錄

尚書令贈侍中成陽下壺墓誌

目見諸道石刻錄

驃騎將軍豫州長史謝重墓誌

目見復齋碑錄

都督謝公廟碑

目見建康志

蘭亭序

王羲之書在紬書閣目見建康志

樂毅論

王羲之書宋紹興中知府晁謙之刻于紬書閣目見京學志

興嚴寺塔記

目見建康志

宋

太祖文皇帝神道之碑

止九字文見歐陽修集古錄

冥漠君碑

謝惠連撰元嘉七年立文見建康志

孝武景陵碑

江甯金石待訪目卷一

四

皇象書目見王存元豐九域志又建康志云政和間有人於蔣廟側得一石柱題云初甯陵西北隅考之其墳去蔣廟不

遠

昭靈沈襄王廟碑

目見建康志凡兩見後乃宋人陳堯咨撰

湯泉銘

王羲恭撰在上元湯山文見建康志

孝建錢

薤葉書文見泉志

散騎常侍宗慤母鄭夫人墓誌

大明六年立目見集古錄按建康志云在秣陵

散騎常侍謝濤并夫人王氏墓誌

大明七年立 在土山淨名寺 目見張敦頤六朝事蹟

永昌劍銘 在土山淨名寺 目見張敦頤六朝事蹟

篆書元徽二年鑄于蔣山 文見刀劍錄

四銖錢二銖錢

五銖當兩錢 見顧武天金對古金百文

小錢直一錢

俱篆書 文見泉志 見顧武天金對古金百文

湘宮寺水陸田記

目見復齋碑錄

五齊

齊故尚書令侍中巴東獻武公碑

普通三年立 在桂林村北 目見六朝事蹟

江甯金石待訪目錄一 五

鎮國大像銘碑

在江甯 目見集古錄

正覺寺碑

王儉撰 目見劉雨江甯縣志

海陵王蕭昭文墓誌

謝朓撰 在江甯 文見沈括夢谿筆談

游虎穴寺詩

王融撰 目見顧起元金陵古金石攷

四梁

神劍銘

篆書武帝命陶宏景鑄 目見刀劍錄

直五百銖 大吉大通大富四等錢 目見錢譜 大隋書

文見泉志

發願文

武帝撰日見輿地紀勝

貞簡先生劉歊碑

天監二年立日見金陵新志

陶隱居井銘

陳宣懋書天監三年立井久湮沒政和中道士莊慎修索而得之得瓦井欄雖破合之尙全環刻大字在華陽觀文見建康志

端門石闕二銘

一袁峻撰日見姚思廉梁書一陸倕撰天監七年造見昭明文選

江甯金石待訪目卷一

六

許長史舊館壇碑

陶宏景撰孫文翰書天監十七年立在茅山玉晨觀日見諸道石刻錄

侍中永陽昭王蕭敷墓志銘

徐勉撰并書普通元年十一月立日見復齋碑錄

永陽昭王敬太妃墓志銘

徐勉撰并書普通元年十一月立日見復齋碑錄

開善寺智藏法師碑

蕭幾撰序蕭繹撰銘蕭挹書普通二年立石日見集古錄華陽石碣頌

正書普通三年五月立刻于舊館壇之陰日見復齋碑錄碑陰兩側題名

孫文韜書普通三年立目見集古錄目

齊侍中蕭穎胄碑

普通五年三月立目見復齋碑錄

侍中鄱陽忠烈王蕭恢墓志銘

大張纘撰普通七年立目見復齋碑錄

蔣山頭陀寺塔碑

石興撰大同元年立目見六朝事蹟

智倩法師志銘

簡文帝撰目見古金石攷

朱陽館碑

簡文帝撰目見金陵新志

善覺寺碑

江甯金石待訪目卷一

曠遠寺碑

元帝撰目見古金石攷

棲霞寺碑

元帝撰目見古金石攷

鍾山飛流寺碑

元帝撰目見古金石攷

大莊嚴寺旻法師碑

元帝撰目見古金石攷

光宅寺僧正法師碑

元帝撰目見古金石攷

同泰寺正智寂師志銘

簡文帝撰目見古金石攷

陶隱居碑

蕭綸撰目見建康志

陶隱居墓志

陸倕撰目見無名氏寶刻類編

宣帝景帝二陵碑

目見建康志

康王神道碑

篆書目見諸道石刻錄

司徒鄱陽忠烈王神道

正書目見復齋碑錄

臨川靖惠王蕭宏神道二石柱

江甯金石待訪目卷一

在江甯北城鄉目見復齋碑錄

仁威將軍新渝寬侯神道

目見復齋碑錄

梁故侍中左衛將軍建安敏侯神道二石柱

正書在淳化鎮目見復齋碑錄

昭遠將軍范府君神道

正書目見復齋碑錄

南康簡王蕭績碑

在元神泉鄉目見古金石攷

長沙館碑

陶宏景撰目見金陵新志

曲林館碑

陶宏景撰目見金陵新志

燕洞宮碑

王文貞撰目見金陵新志

慧約婁禪師塔碑

王筠撰在太平興國寺目見六朝事蹟

寶公碑

在太平興國寺目見六朝事蹟

開善寺碑

王筠撰目見古金石攷

寶誌行狀碑

目見金陵新志

寶公銅碑記

江甯金石待訪目卷一

九

文見六朝事蹟

誌公石篆

宋太平興國七年舒民得于鍾山古松下目見虞道園學古

錄

大莊嚴寺碑

江總撰目見顧起元客坐贊語

明慶寺碑

陳昭撰目見金陵新志

法王寺碑

沈約撰目見古金石攷

法王寺刹下銘

目見金陵梵剎志

茅君九錫碑

張繹撰孫文翰書在茅山黑虎洞目見金陵新志

草堂法師墓碣

篆書目見復齋碑錄按宋金華集云在鍾山

都承旨題名

目見建康志

隱居法帖

在玉晨觀目見寶刻叢編

義和寺額

昭明太子書目見建康志

陳

宣帝忠烈鼎銘

江甯金石待訪目卷一

丁初正書鑄于太極殿目見鼎錄

端門磬銘

目見建康志

同泰寺刹下銘

虞荔撰目見古金石攷

景陽井闕題名

在法寶寺之西邦人云字漫滅惟戒乎二字可辨目見六朝

事蹟

棲霞寺新路記

徐陵撰目見客坐贅語

長干寺眾食碑

徐陵撰目見古金石攷

鍾山尙法師碑

江總撰目見古金石攷

慧福寺尼慧仙銘

陳景哲書天嘉元年立目見集古錄目

棲霞寺詩

王口撰目見建康志

天開巖詩

趙口撰目見建康志

隋

景陽宮井闌銘

煬帝撰八分書開元九年刻目見集古錄

平陳碑

江甯金石待訪日卷一

薛道衡撰虞世南書在石頭城西目見六朝事蹟

朝律大師碑

目見建康志

唐

太平觀主王遠知碑

江旻撰徐碩書貞觀十六年立目見集古錄目

千字文

虞世南書目見古金石攷

九成宮帖

歐陽詢書在南國子監目見古金石攷

華陽觀主王知軌碑

王敬之撰王元宗書乾封二年立目見集古錄目

碑後題名

李義廉書總章二年刻目見集古錄目

王知遠後碑

劉禕之撰齊懷壽書文明元年立目見集古錄目

仙壇銘

□元素書聖歷二年立目見金陵新志

句容令岑植德政碑

張景毓撰僧翹徵書景龍二年二月立句容縣治目見盛

時泰元牘記

棲霞寺銅佛像背記

景隆二年立目見王象之輿地碑目

崇元觀碑

江甯金石待訪目卷一

十一

孫處元立撰楊幽經書太極四年立目見集古錄目

句容修孔子廟碑

開元十一年立目見建康志

崇儒碑

開元十一年立在溧水文廟目見金陵新志

玉清觀四等碑

陶巨莊撰開元十五年立在崇禮鄉目見六朝事蹟

景陽宮樓下井闌銘并記

王震重刻并記八分書開元二十一年立目見集古錄目

冶山祇園寺碑

開元二十二年立在六合目見輿地紀勝

貞白碑陰記

司馬子微述篆書開元□□立目見寶刻類編  
千字文

張旭書目見古金石攷

鳳凰臺詩

李白撰目見金陵新志

棲霞寺鐘文

天寶三年立目見諸道石刻記

神霄宮銅鐘銘

目見建康志

雙女墳記

崔致遠撰天寶六年立在溧水南一百十里文見建康志

祠宇宮碑

江甯金石待訪目卷一

三

柳識撰天寶七年立目見建康志

明皇祀上清文

御製天寶七年立在茅山目見集古錄目

明皇投錄碑

御製天寶七年立在茅山崇禋觀目見諸道石刻錄

華陽頌

明皇詔附天寶九年立目見集古錄

三茅山記

紀山之四至見集古錄目

江甯國顏真卿題名

目見通志

左伯桃羊角哀墓詩

顏真卿撰詩見建康志

牛首鶴林寺徑山大師碑

李華撰目見盛時泰牛首山志

棲霞山亭記

史翔撰韓軫八分書天寶十三載立目見金石錄

王粲石井欄記

甄濟文行書上元二年立後記其一于頓文胡證八分書貞

元十七年六月其一盧鈞撰正書會昌二年四月立目見金

石錄

棲霞寺律大師碑

王如玘撰僧澄觀書大歷四年立目見寶刻叢編

立晉平西靖侯顏含大宗碑

江甯金石待訪目卷一

古

顏真卿書在靖安道旁目見六朝事蹟文見建康志

顏西平晉侯顏府君碑

顏真卿書在府學目見六朝事蹟

赤山湖記

樊珣撰大歷十二年立文見建康志

盧循道三州刺史王師乾神道碑

楊綰撰張從申書大歷十三年立目見集古錄目

白鶴觀碑

柳識撰劉明素書大歷十三年立目見諸道石刻錄

孝子張君紀孝行銘

目見集古錄目

孝子張常消旌表碑

高承瓌撰貞元五年立存句容目見集古錄

下泊宮記

黃洞元撰盧士元書貞元十一年立目見諸道石刻錄

禮部侍郎信州刺史劉太真碑

裴度撰蔣潼正書在深水北三十里目見諸道石刻錄

總悟上人鍾山林下集序

石洪撰并書附張儵盧建盧少林詩三首貞元二十年十二

月立目見集古錄目

許守珪墓志

元和四年立目見復齋碑錄

大覺禪師碑

李吉甫撰見盛時泰牛首山志

江甯金石待訪目卷一

五

修下泊宮記

王師簡撰盧士元書元和九年立目見朱長文墨池編

攝山沈傳師題名

目見金石錄

沈傳師齋疏

目見六朝事蹟

紫陽觀常住莊園記

長慶二年八月立目見復齋碑錄

茅山崔元亮題名

長慶三年刻目見復齋碑錄

孔子尹真人贊皇公三碑

寶曆二年立目見建康志

白府君銘

目見建康志

崇元聖祖院碑

賈竦撰序綦母口撰銘徐廷古八分書寶曆二年立目見集古錄目

幽棲寺冲素和尚塔銘

僧靈遵書寶曆二年立目見復齋碑錄

祖融大師新塔記

劉禹錫撰文見姚鉉唐文粹

茅山陸滂題名

篆書大和三年刻目見集古錄

重修靈公室院記

江甯金石待訪目卷一

去

口棲霞撰呂子元書大和三年九月立目見寶刻類編

孫叔炬文

大和四年立目見輿地紀勝

爐峯道場鐘銘

僧世通撰趙景元行書大和四年立目見復齋碑錄

景陽井闌銘

大和四年六月立目見復齋碑錄

景陽井闌記

張著撰無年月目見集古錄目

棲霞寺齋會記

大和五年立目見六朝事蹟

棲霞寺聖賢會記

僧善言撰周士牟書大和五年九月立目見復齋碑錄

禁茅山樵採碣

大和七年刻目見諸道石刻錄

修水陸無遮齋題名

大和七年刻目見諸道石刻錄

雲泉院無尋田記

劉內章撰開成二年立宋大中祥符八年重刊目見金陵新志

崇元聖祖廟碑

李德裕撰目見輿地紀勝

贈孫尊師詩

李德裕撰裴質方書在玉晨觀目見六朝事蹟

金剛經

江甯金石待訪目卷一

七

趙浩書開成五年正月立目見寶刻叢編

重換司空殿碑

會昌六年立目見寶刻類編

重修吳大帝廟階記

推石湘撰大中六年立目見集古錄目

重建律大師塔記

在重元寺大中十年立目見古金石攷

重建開善寺記

宋整撰宋渙正書咸通三年十月立目見復齋碑錄

立晉都督謝公廟碑

咸通中立目見金陵新志

攝山經幢

咸通九年立目見陳毅棲霞山志

楚平王廟碑

廣明元年立目見金陵新志

潘城院碑

王驥撰陶貞固正書中和二年七月立注溧水目見復齋碑錄

靈寶院碑

王棲霞撰目見建康志

重立西漢御史大夫趙禹廟記

林雲撰中和二年立目見復齋碑錄

安樂寺智稱法師碑

江甯金石待訪目卷一

六

裴子野撰目見廣宏明集

淨行寺碑

劉驩撰中和三年立文見李斯佺高潛志

淮南押衙車府君墓志

光啟元年立目見建康志

葛仙翁碑

目見金陵新志

元靖先生敕書碑

目見建康志

徐法師碑

張惟素撰目見建康志

昇真王先生謚贈碑

目見建康志

紫陽觀王先生碑

目見建康志

開善寺修誌公堂石柱記

李願行撰目見客坐贅語

金剛會序

樊文蘊撰在牛首寺目見金陵新志

武仙童碑

目見諸道石刻錄

許司徒墓碑

在句容奉聖寺側目見建康志

玉霄庵記

江甯金石待訪目卷一

目見諸道石刻錄

隱靜院記

目見建康志

天王廟碑

目見金陵新志

盧大王廟記

目見建康志

上元宰張集甘露記

符載撰目見文苑英華

三傳錄記

馮寬撰目見建康志

題隱居銘詩

目見建康志

來賢亭詩

目見建康志

心經

篆書目見鄭樵通志

潤州陀羅尼經幢

王奐之書目見集古錄目

吳

銅鐘鑄文

在宋靖安鎮目見六朝事蹟

興化院鑄銅鐘記

徐溫撰武義二年十月立在上元丹陽香林寺目見六朝事

江甯金石待訪目卷一

三

蹟

鑄碇石文

順義元年鑄在靖安鎮目見金陵新志

開善寺浴院井記

李陶正書順義七年六月立目見復齋碑錄

金陵府延祚院寺經幢

目見建康志

南唐

龍鳳永通泉貨錢大唐錢唐國五品錢

文見泉志

昇元帖

目見周密煙雲過眼錄

牛首山幽棲禪院佛殿記

僧無業撰處安正書昇元二年二月立目見復齋碑錄

禱雨記

吳仁瞻撰并書昇元三年立目見金陵新志

鳳凰山亭子詩

宋齊邱撰王紹顏奉敕書昇元三年刻石在臺上見六朝事

蹟

洞元觀敕還舊鐘記

劉日新撰李希曜正書保大元年十月立目見復齋碑錄

保甯院鐘贊

保大二年立目見諸道石刻錄

義井記

江甯金石待訪目卷一

三

保大三年立目見諸道石刻錄蓋卽建康志所云在清涼寺

莊七里鋪有僧廣慧刻字之井

保大三年香爐記

目見復齋碑錄

棲霞寺新路記

徐鉉撰保大四年立目見金陵新志

重修謝惠靈墓碑

保大中孫熹等立在上元本業寺相近目見建康志

辟支佛廣大現身記

周彥崇撰孟文益行書保大四年立目見諸道石刻錄

方山寶華宮碑

口鼎行書保大四年立目見復齋碑錄

中興佛窟寺碑

孫忌撰尉遲樞正書保大四年二月立目見復齋碑錄

棲霞寺三種石幢

保大開立左山門外目見金鑾棲霞志目

太傅張懿君詠碑

殷崇義撰朱銳正書保大六年立目見諸道石刻錄按建康

志云在金陵鄉石城後

延祚寺百丈泉井闌題字

保大口年題目見金陵新志

保大井闌銘記

保大八年三月立目見復齋碑錄

後主祭悟空碑

江甯金石待訪目卷一

保大九年立目見諸道石刻錄

清涼寺悟空和尚碑

韓熙載八分書保大九年立目見復齋碑錄

百福寺銅鐘文

目見金陵新志

龍城寺鐘銘

張宏撰保大十一年立目見建康志

招隱寺鐘樓記

丁道宏撰保大十一年立目見輿地碑目

重立吳太極左仙翁葛元碑

陶隱居文保大十四年七月立左句容西一里目見復齋碑

碑陰文

王元撰并書在句容

陶隱居銘

保大十四年立在句容目見輿地碑目

青元觀九天使者功德殿記

賈穆撰王燮書保大十五年立目見諸道石刻錄

眞素先生王棲霞碑

徐鉉撰徐鉉八分書保大口年立目見復齋碑錄

秦淮石識

保大中出土中有大宋乾德等字目見建康志

平西將軍杜陵侯葛府君碑

在句容西七里目見建康志

江甯金石待訪目卷一

鄧威儀碑

徐鍇撰目見金陵新志

贈平章諡文靖韓熙載神道碑

在梅岡目見金陵新志

贈侍中李金全神道碑

高越書在江甯石子岡目見陸游南唐書

追封慶王李茂宏碑

韓熙載撰在婁湖橋目見金陵新志

聖烈王行狀碑

目見金陵新志

王真人立觀碑

江旻撰目見金陵新志

桐柏王法師碑

目見金陵新志

少室王君碑

目見金陵新志

五龍堂元元像記

徐鍇撰目見建康志

侍郎高越墓石

在棲霞寺目見建康志

易夫人墓志蓋

在上元土山目見天下金石志

武威王太公廟碑

徐鉉撰在鎮淮橋北目見建康志

江甯金石待訪目卷一

蔣莊武帝廟碑

徐鉉撰朱銳正書在蔣廟門外目見天下金石志

下廟忠臣孝子碑

徐鍇撰目見建康志

後主追薦烈祖清涼寺鐘文

目見建康志

昭惠皇后周氏誄

後主撰目見陸游南唐書

金剛藏院碑

韓熙載撰并書目見寶刻類編

藏經碑

彭賓撰目見金陵新志

許長史丹井記

徐鉉撰在茅山玉晨觀銘見建康志

許真君井銘

徐鉉撰八分書目見寶刻類編

保甯寺奉先禪院井記

目見金陵新志

開善寺井記

目見天下金石記

玉霄觀記

目見金陵新志

瓦棺寺昇元碣

目見金陵梵剎志

江甯金石待訪目錄一

無相塔記

韓熙載撰目見古金石攷

桂杜二姓願鐘記

目見金陵新志

寶華宮功德什物記

目見天下金石志

延賞亭記

宋齊邱撰目見諸道石刻錄

冶城紫極宮碑

徐鉉撰目見黃佐應天府志

紫極宮石磬銘

徐鉉撰并篆書目見金石錄

方山洞元觀請鐘記

目見六朝事蹟

騎省石徐鉉題名

目見諸道石刻錄

鹿野堂徐鉉徐錯題名

目見盛時泰棲霞小志

茅山徐鉉題名

篆書目見復齋碑錄

攝山徐鉉題名

目見金陵新志

符篆刻識

在永壽宮目見金陵新志

江甯金石待訪目卷一

清涼寺德慶堂額

後主書宋僧曇月刻石目見金陵新志

清涼寺三絕碑

後主八分書董羽畫龍李霄遠草書目見聖宋書畫錄

龍泉山銘

韓熙載撰并書目見諸道石刻錄

畫像石刻

正面曹仲元畫背面武洞清畫目見客坐贊語

隱靜院石刻

在上元雁門山目見金陵新志

千字文

王秉文篆書目見集古錄目

衡陽寺經幢

目見梵剎志

題千佛巖詩

僧用虛撰目見六朝事蹟

重開衡陽古蹟詩

齊己牟儒二僧撰目見金陵新志

題明徵君墓詩

徐錯撰目見建康志

心經

篆書目見集古錄目

瓦棺寺經幢

目見金陵新志

江甯金石待訪目卷一

三

江甯金石待訪目卷一

江甯金石待訪目卷二

冶城嚴觀子進輯

宋

晉陰山廟碑

開寶八年立在城西南一十二里目見建康志

開寶中石識志

八分書文見建康志

戒石銘

太宗撰黃庭堅正書高宗手札頒行紹興二年七月呂頤浩

立石在江甯府文見建康志

天禧寺白塔記

端拱元年僧可政立目見古金石攷

觀龍歌

江甯金石待訪目卷二

真宗撰并書歌見劉大彬茅山志

奉敕禁茅山樵採記

大中祥符二年立文見建康志

正覺寺鐵塔題字

乾興元年鑄目見建康志

堯舜佛安四字

仁宗飛白書賜知江甯府錢公輔目見建康志

帝佛二字

仁宗飛白書賜知江甯府傅堯俞目見建康志

入功德水記

梅摯撰天聖中立在鍾山悟真庵後目見六朝事蹟

奉旨書太后受上清籙記

孟應之書天聖三年立在茅山目見書史會要  
昭靈沈襄王廟碑

陳堯咨撰目見建康志

陳宮井記

蘇易簡撰文見建康志

義井記

李迪撰天聖五年立略見建康志

蔣帝廟記

景祐二年立在鍾山北文見建康志

梁蕭帝寺記

元絳撰康定二年立文見六朝事蹟

高齋記

江甯金石待訪目卷二

二

胡宿撰慶曆二年立行宮內文見建康志

五雲觀碑

晏殊撰胡恢書慶曆二年立目見劉大彬茅山志

江甯縣令題名記

蘇頌撰慶曆六年立文見建康志

放生文

仁宗撰慶曆七年八月七日降下至和三年四月十四日立

石在法光寺文見建康志

南門橋記

僧從雅撰皇祐中刻石目見建康志

龍光寺佛殿記

嘉祐三年立目見建康志

子隱臺記

梅摯撰嘉祐口年立在鹿苑寺後文見建康志

練光亭記

黃庭堅撰目見古金石攷

三品石銘

王安石撰在同泰寺目見金陵世紀

三品石題名

目見杜綰雲林石譜

籌思亭詩

王安石范純仁王口作目見建康志

安齊寺詩

王安石撰目見古金石攷

江甯金石符訪目卷二

此君亭詩

王安石撰舊有石刻在府學目見建康志

寶誌公銅像銘

王安石撰在太平興國寺目見陸游金陵記

蔣山鐘銘

王安石撰目見古金石攷

題陶隱居墓志

王安石書於天慶觀刻石在江東漕廨

蕭間堂記

周邦彥撰目見建康志

辱并記

曾肇撰文見南豐集

重刻宋齊邱鳳凰山詩

王紹顏書治平二年重摹目見復齋碑錄

覽輝亭記

文已殘缺惟歲月可考蓋熙甯三年夏四月也目見建康志

白雲庵記

王安國撰在棲霞寺目見六朝事蹟

大理寺丞王安國墓志

元豐三年立在江甯文見王安石臨川集

臨川王游墓志

王安國子目見建康志

句容修學記

葉表撰元豐三年立目見金陵新志

江甯金石待訪目卷二

四

集仙橋下詩碣

元祐元年刻在縣南詩見建康志

響井元祐五年題字

在江甯陶吳鎮目見建康志

忠孝亭記

曾肇撰元祐八年立韓元吉重刻在天慶觀西文見建康志

涼館記

楊應善撰李伯玉銘元符二年立在江甯府治文見建康志

修涼館記

元時敏撰元符間立在學士院

元符萬甯宮經藏記

碑文見劉大彬茅山志

元符萬甯宮記

蔡卞撰大觀元年立文見劉大彬茅山志

元符宮觀碑

鮑慎辭撰大觀元年四月立文見劉大彬茅山志

寶誌語錄序

朱芾撰在惟政鄉半山寺目見六朝事蹟

棲真觀碑

尹士牟撰在茅山目見建康志

惠澤龍王廟碑

薛昂撰并書政和元年立在水西門文見建康志

宣和御製化道文碑

張繼先書政和二年立目見茅山志

江甯金石待訪目卷二

五

華陽先生解化碑

蔡卞撰并書政和二年立文見劉大彬茅山志

沖隱先生遺愛碑

張繼先撰政和二年十一月立文見劉大彬茅山志

沖隱墓志銘

蔡卞撰并書政和三年立文見劉大彬茅山志

新建天禧寺法堂記

李之儀撰政和六年立文見建康志

徽猷閣直學士葉祖洽墓志銘

上官均撰政和七年四月立在上元宣義鄉略見建康志

少保威定王德神道碑

傅雱撰在上元鍾山之原銘見建康志

元陽觀記

朱拱臣撰文見劉大彬茅山志

華陽宮記

郭衡撰政和七年立略見建康志

付李邦彥手詔

徽宗書政和八年二月刻石在府學文見建康志

蔣帝廟記

劉會元撰政和八年立文見建康志

靖安河記

吳聿撰宣和六年立略見建康志

二李亭記

朱慮撰宣和七年立在溧水尉解文見建康志

江甯金石待訪目錄二

六

金華宮石上題字

高宗書目見建康志

賜張浚詩

高宗撰并書詩見建康志

周易乾卦

高宗書賜秦梓目見建康志

孝經

高宗書真草相閒賜秦檜目見建康志

決策元功精忠全德之碑十字

高宗書賜秦檜目見建康志

御書六軸

高宗書賜王珙目見建康志

草書王安石詩

高宗書賜趙撝刻石在保甯寺詩見建康志

玉兔泉三字

秦檜篆書在江甯學宮見書史會要

褒忠廟記

祀楊邦乂葉夢得撰建炎二年立在南門外文見建康志

建康府學記

葉夢得撰紹興二年立文見建康志

寶甯寺輪藏記

葉夢得撰文見建康志

崇禧觀碑銘

張商英撰紹興三年十月立在茅山文見建康志

江甯金石待訪目卷二

七

武仙童像碑

紹興三年十月立文見劉大彬茅山志

通濟橋記

李南壽撰紹興八年立目見建康志

崇明寺轉輪藏記

馬雲夫撰紹興九年立目見蒼潤軒碑跋

溧水重建學記

鄭剛中撰紹興十年立文見建康志

籍田手詔

高宗書紹興十六年八月守臣晁謙之刻石在府治文見建

康志

醉石題名

上有紹興十七等字在江甯城內吳園目見古金石攷  
籌思堂記

邊惇德撰王誼書紹興二十年立在宋轉運司圃內文見建  
康志

防禦張保墓志

紹興二十六年立在江甯鳳臺鄉松林莊之原文見建康志  
川泳軒記

周必大撰并書紹興二十八年立在江東撫幹廨舍文見建  
康志

贈節度使王暉墓志銘

陸敦仁撰紹興中立碑已斷缺在鍾山鄉棠梨山略見建康  
志

江濱祐德廟碑

江甯金石待訪目卷二

八

黃度撰紹興三十一年立在清涼寺東文見建康志

旌忠廟牒

紹興三十一年立在城南鐵索寺之東南文見建康志

移忠作慈禪院鐘銘

秦熈撰目見古金石攷

上元縣廳壁記

葛邲撰紹興三十二年立文見建康志

溧水縣廳壁記

史改之撰紹興三十二年立文見建康志

御批賜郭振

孝宗書刻石在建康都統制文見建康志

御禮賜閻仲

孝宗書文見建康志

忠節廟記

祀王珙劉岑撰并書隆興元年立在宋城東半山寺相望文

見建康志

韓愈進學解

孝宗書目見建康志

崇因寺碑

范成大撰目見建康志

陰符清淨二經

孝宗書在句容凝神庵

存愛堂記

江甯金石待訪目卷二

九

楊萬里撰目見古金石攷

政達堂記

楊萬里撰目見古金石攷

武經龜鑑序

孝宗撰并書賜王彥彥刻石于建康都統司文見建康志

四老堂記

韓元吉撰乾道二年立在轉運司文見建康志

轉運司題名記

韓元吉撰乾道三年立文見建康志

高座寺碑

劉岑撰并書乾道三年立文見建康志

廣濟新倉記

趙彥端撰杜易書乾道四年立在大軍倉後文見建康志  
蔣山裝繪大佛殿記

劉岑撰目見建康志

太平興國寺佛殿記

劉岑撰文見建康志

永甯院記

劉岑撰目見建康志

重修貢院記

陳天麟撰嚴煥書乾道四年立文見建康志

二水亭記

史正志撰杜易書乾道五年立文見建康志

東冶亭記

江甯金石待訪目卷二

十

邱密撰嚴煥書乾道五年立在半山亭旁文見建康志

江東安撫司親兵寨記

游九言撰乾道五年立天府治東文見建康志

新亭記

史正志撰杜易書乾道五年立城西南十五里文見建康志

溧水五堰河記

乾道五年立目見金陵新志

青谿閣記

張椿撰乾道五年立天府治東北文見建康志

重修鎮淮飲虹二橋記

邱密撰乾道五年立文見建康志

思政堂記

章謙撰乾道六年立任通判西廳文見建康志

蔣帝廟記

洪遵撰乾道八年立略見建康志

蔣廟祭文

蔣堂撰郃必篆書見古金石攷

正顯廟記

洪邁撰目見金陵新志

總領所題名記

胡銓撰袁友說書淳熙二年立文見建康志

贈節度使盛新墓志

淳熙二年立在上元武岡鄉略見建康志

明道祠記

江甯金石待訪目卷二

十一

朱子撰黃洙書淳熙三年立文見建康志

戒諭軍帥五事

孝宗書淳熙三年九月立石建康馬軍司文見建康志

手詔戒諭漕臣

孝宗撰淳熙六年五月刻石於廳事文見建康志

府學教授東西廳總題名記

章汝楫撰孫鼐書淳熙四年立文見建康志

修府學記

張汝楫撰許及之書淳熙五年立文見建康志

總管趙士盱墓志

淳熙八年立任句容政仁鄉慈恩寺文見建康志

上元社壇記

奚商衡撰淳熙八年立文見建康志

忠肅劉公祠記

李處全撰并書淳熙八年立在蔣山東庵文見建康志

捨鐘千佛龕題名

淳熙中刻目見古金石攷

凝神庵記

李處全撰淳熙十年九月立見劉大彬茅山志

江甯縣題壁記

龔敦頤撰淳熙十一年立文見建康志

重立顏尙書祠堂記

王遂撰淳熙十一年立文見建康志

句容縣題壁記

江甯金石待訪日卷二

三

黃敏德撰淳熙十五年立文見建康志

蔣山大佛殿記

劉岑撰淳熙十六年立文見建康志

古瓦官寺碑

韓元吉撰淳熙中立文見建康志

廣惠廟淳熙省牒

在城東三里文見建康志

修貢院記

楊萬里撰并書紹熙二年立目見建康志

重修貢院記

陳天麟撰嚴煥書紹熙三年立文見建康志

御前諸軍都統制司題名記

趙濟撰紹熙二年立文見建康志

明道先生書院記

游九言撰慶元二年立文見建康志

安撫司僉廳壁記

游九言撰慶元二年立文見建康志

府學御書閣記

游九言撰慶元三年立文見建康志

楊忠襄公墓碑

游九言撰慶元四年立文見建康志

晉謝將軍廟記

鄭之翰撰慶元四年立在城西南隅文見建康志

通判西廳壁記

江甯金石待訪目卷二

何武仲撰慶元四年立文見建康志

侍衛馬軍司題名記

郭倪撰慶元五年立在天慶觀右文見建康志

能仁寺佛殿記

游九言撰慶元中立略見建康志

察推題名記

樓鑰撰嘉泰三年立文見建康志

句容縣均豁和買記

韓沆撰并書嘉泰四年立文見建康志

重修白下橋記

劉叔向撰嘉泰四年立在江甯東門外文見建康志

重修鎮淮飲虹二橋記

劉叔向撰開禧元年立文見建康志  
式敬齋記

傅行簡撰李德操書開禧元年立在左司理廳文見建康志  
御筆付淮西總領李若川

孝宗書嘉定元年刻文見建康志

八功德水記

趙師縉撰嘉定元年立文見建康志

通判東廳記

蔣志行撰嘉定二年立文見建康志

忠孝泉記

周虎撰并書嘉定三年立在卞公祠文見建康志

嘉定皇后受錄碑

江甯金石待訪目卷二

十四

朱拱臣撰并書嘉定三年立文見劉大彬茅山志

華勝寺碑

陳振孫撰嘉定四年立文見建康志

東嶽廟碑

徐龜年撰嘉定四年立目見金陵新志

晉元帝廟記

葉適撰滕成書嘉定五年立文見建康志

元帝廟禮樂羣英三十六人畫像題識

目見金陵新志

養濟院省劄

嘉定五年立石在宋興寺文見建康志

臨淮橋記

卓田撰嘉定五年立目見建康志

存愛軒記

周師成撰趙師夏書嘉定七年立在知錄廳文見建康志

明道書院記

真德秀撰嘉定九年立後附馬光祖跋文見建康志

建貢院記

李道傳撰鄒應龍書嘉定九年立文見建康志

忠宣堂記

劉宰撰俞建書嘉定九年立在轉運司西廳文見建康志

范忠宣祠記

袁燮撰嘉定九年立文見建康志

建正覺寺記

江甯金石行訪目卷二

五

吳柔勝撰嘉定九年立文見高淳志

飛泳堂記

楊蓬撰嘉定九年立在宋江東運管司目見建康志

申遺棄小兒省劄

嘉定十年立文見建康志

制置司簽廳記

呂好問撰趙深夫書嘉定十二年立文見建康志

平糶倉嘉定十四年省劄

文見建康志

上元社壇記

奚商衡撰并書嘉定十四年立文見建康志

三聖蒼史王廟二記

又嘉定十四年立在宋府治之西文見建康志

溧水縣廳壁記

史改之撰嘉定十五年立文見建康志

府學西廳續題名記

程秘撰嘉定十五年立目見建康志

府學東廳續題名記

陳珏撰嘉定十七年立文見建康志

節推題名記

程沆撰嘉定十七年立文見建康志

平止倉省劄

嘉定十七年立石在廣濟倉左文見建康志

訓廉銘

江甯金石待訪目卷二

理宗製文見建康志

謹刑銘

理宗製文見建康志

戒飭士習詔

理宗書文見建康志

錄用勲臣後手詔

理宗書文見建康志

戒貪吏手詔

理宗書在府治文見建康志

戒貪吏手詔

理宗書馬光祖立石在府治文見建康志

又戒貪吏手詔

理宗書馬光祖立石文見建康志  
題趙葵墨梅詩

理宗撰書詩見建康志

賜明道書院四字爲額

理宗書目見建康志

忠勤樓錦繡堂六大字

理宗書賜吳淵目見建康志

忠實不欺之堂裕齋桂山十字

理宗賜馬光祖目見建康志

景福萬年之殿六大字

理宗書賜茅山元符觀目見建康志

靈休介福元壇六大字及聖德仁祐之殿六大字褒僊鎮寶四

江甯金石待訪目卷二

七

大字寶珠林三大字

俱理宗書賜茅山崇禧觀目見建康志

玉氣疑潤鶴情超遼八字

理宗書賜司徒師垣目見建康志

簽判題名

鄧文舉撰寶慶元年立文見建康志

上元縣廳壁續題名記

鄧文舉撰寶慶元年立文見建康志

三茅像記

李德裕撰八分書寶慶三年重立目見建康志

溧水廣嚴寺碑

俎大武撰寶慶三年立目見金陵新志

制置司僉廳記

呂好問撰趙涑夫書紹定元年立文見建康志

御前都統制司題壁記

趙濟撰紹定二年立文見建康志

江甯縣紹定題名記

董洪撰文見建康志

使華堂記

戴柄撰何處信書紹定三年立在總領所圍內文見建康志

御前都統制司續題名記

夏友諒撰紹定四年立文見建康志

句容建學記

劉宰撰并書紹定五年立文見建康志

江甯金石待訪目卷二

文

雙玉亭記

劉宰撰目見建康志

南維翁論

劉宰撰張渠權刻於溧水目見金陵新志

端平二年祈澤寺僧偈

文見盛時泰祈澤寺志

楊忠襄公祠記

魏了翁撰端平二年立文見建康志

府學贖送貢士規約記

吳箴撰嘉熙元年立文見建康志

溧水建小學記

王遂撰并書嘉熙四年立文見建康志

洞陽宮記

張滉撰并書嘉熙口年立見劉大彬茅山志

眞文忠西山祠記

王遂撰并書淳祐元年立文見建康志

制置司簽廳題名記

吳堦撰淳祐元年立文見建康志

顏魯公祠記

王遂撰并書淳祐二年立文見建康志

南軒先生祠堂記

杜杲撰淳祐三年立文在天禧寺方丈後文見建康志

江甯社壇記

楊相如撰并書淳祐四年立文見建康志

江甯金石待訪目卷二

九

上元社壇記

方逢辰撰并書淳祐五年立文見建康志

安撫司簽廳壁記

陳駿之撰呂祖昇書淳祐八年立文見建康志

翠微亭記

吳淵撰淳祐九年立文在清涼山頂文見建康志

錦繡堂記

吳淵撰淳祐十年立文在府治內文見建康志

忠勤樓記

吳淵撰淳祐十年立文在府治內文見建康志

府學立義莊記

宋自強撰李杞書淳祐十一年立文見建康志

天慶觀記

章公權撰淳祐十二年立文見建康志

三茅真君像記

目見建康志

平糶倉淳祐十二年省劄

文見建康志

禪林寺碑

吳璞撰淳祐口年立文見建康志

重建保聖寺法堂記

胡應發撰淳祐口口年立文見建康志

御書明道書院額記

王埜撰寶祐元年立文見建康志

江甯金石待訪目卷二

程純公畫像記

目見建康志

制置司簽廳題名記

吳堦撰寶祐元年立文見建康志

制置司簽廳題名記

王埜撰寶祐二年立文見建康志

戲綵堂記

王埜撰寶祐二年立在轉運司正堂後文見建康志

上元縣廳壁記

江萬里撰寶祐三年立文見建康志

重修鎮淮飲虹二橋記

梁椅撰胡居仁書寶祐四年立文見建康志

沿江遊擊軍新寨記

胡居仁撰梁椅書寶祐四年立在江甯城內文見建康志

青谿先賢堂記

周應合撰趙與輔書寶祐四年立文見建康志

忠實不欺之堂記

陸壑撰寶祐五年立在江甯府治文見建康志

寶濟院省劄記

馮去非撰寶祐六年立在轉運司文見建康志

上元建學前記

梁椅撰寶祐六年立文見建康志

公使酒庫記

唐燦撰開慶元年立文見建康志

江甯金石待訪日卷二

三

明道書院記

馬光祖撰開慶元年立文見建康志

太子少師馬野亭祠堂記

倪垕撰開慶元年立文見建康志

鳳凰臺記

馬光祖撰并書開慶元年立在保甯寺後文見建康志

清如堂記

梁椅撰陳淳祖書開慶元年立在淶波橋上文見建康志

通江館壁記

馬光祖撰開慶元年立在賞心亭東文見建康志

禮尙庫記

家之巽撰景定元年立在府治西廳文見建康志

通判南廳壁記

吳季子撰袁充書景定元年立文見建康志

東南佳麗樓記

李衢撰景定元年立在銀行街略見建康志

安樂廬記

馮元演撰并書景定元年立文見建康志

賞心亭記

蕭山則撰并書景定二年立下臨秦淮文見建康志

溧水教思亭記

周應合撰景定二年立文見建康志

上元建學後記

周應合撰程其屋書景定二年立文見建康志

江甯金石待訪目卷二

三

軍器都作院記

家之巽撰趙興鑿書景定二年立文見建康志

蜀三大神記

姚希得撰洪勳書景定二年立地近清谿文見建康志

存心堂記

姚希得撰陸景思書劉震孫楊應己李伯玉同撰銘景定三

年立在上元縣廨西偏文見建康志

荆修撫司僉廳壁記

景定四年立文見建康志

荆修建康府都僉廳記

景定四年立文見建康志

江甯建學記

楊巽撰楊同祖書景定四年立文見建康志

重建制司僉廳記

趙特彙撰黃蛻書景定四年立文見建康志

景定重建僉廳記

陳淳祖撰文見建康志

復洞神宮記

文復之撰黃蛻書景定五年立文見建康志

重建吳晉二帝廟記

陸景思撰并書景定五年立在城西門外文見建康志

重建卞忠烈廟記

姚希得撰景定五年立文見建康志

先鋒馬併建寨記

江甯金石待訪目卷二

馬光祖撰并書咸淳元年立文見建康志

平糴倉記

馬光祖撰并書咸淳元年立文見建康志

雨花臺記

馬光祖撰并書咸淳元年立在江甯城南文見建康志

平糴倉稷思堂記

王積翁撰咸淳元年立文見建康志

稷思堂後記

馬光祖撰咸淳二年立文見建康志

重建建康府貢院記

馮夢得撰林應炎書咸淳三年立文見建康志

稷思堂三記

馬光祖撰咸淳四年立文見建康志  
社壇記

楊相如撰咸淳四年立文見建康志

父老建馬公祠記

劉夢得撰目見建康志

高座寺銅鐘碑

目見建康志

保甯寺輪藏記

葉夢得撰在飲虹橋南文見建康志

保甯寺碑

目見建康志

金陵建康二圖

江甯金石待訪目卷二

目見建康志

太守題名碑

目見建康志

府學上舍登科題名記

目見建康志

建康移建府學記

張元用撰目見建康志

建學後記碑陰目

周應合撰

續置田產房廊碑

目見建康志

雙玉亭記

劉宰撰目見建康志

鼓樓記

劉宰撰文見溧水志

泛恩指揮記

趙相撰目見金陵新志

總所新建門樓記

馬光祖撰目見建康志

舍利泉記

李處厚撰目見建康志

鍾山道光泉記

目見建康志

濡惠泉記

江甯金石待訪目卷二

五

王元忠撰目見建康志

葛仙翁煉丹井銘

景通撰在方山寶華宮目見建康志

溧水南門橋記

僧從雅撰文見建康志

中山館驛記

目見建康志

達尊堂記

范光撰目見建康志

學齋記

杜杲撰在府治玉麟堂側文見建康志

插竹亭記

在溧水目見建康志

風玉亭記

張伯撰在斗門橋北折柳亭東目見戚光集慶路志  
此君亭詩

毛漸撰在華藏庵內目見金陵世紀

蘭亭記

李洪撰目見建康志

明慶寺記

目見建康志

吉祥寺記

目見建康志

殊勝寺記

江甯金石待訪目卷二

美

楊天錫撰目見建康志

永甯院記

劉岑撰目見建康志

白雲崇福觀記

黃中書目見古今碑帖攷

重興隱靜院記

目見建康志

高座寺碑

劉岑撰并書略見建康志

景德棲霞寺殿寺記

范成大撰目見六朝事蹟

神霄宮鐘記

卽保甯寺目見古金石攷

蔣山太平興國寺莊田記

僧贊元撰目見六朝事蹟

劉府君廟記

杜子源撰目見金陵新志

康樂公廟記

孫之翰撰目見古金石攷

馬司眞聖廟記

馮去非撰目見建康志

惠烈廟記

曹熙撰在蔣廟目見六朝事蹟

龍母廟記

江甯金石待訪目卷二

賈彬撰目見金陵新志

鐵塔寺二判官廟記

目見建康志

聖湯延祚禪院記

目見建康志

天禧寺重修寶塔記

目見建康志

吳大資祠堂記

曹庭襄撰目見建康志

留守錢公生祠記

鄭若容撰目見建康志

吳相公生祠記

程公許撰目見建康志

馬觀文生祠記

趙與仲撰目見建康志

黃尙書生祠記

李慥撰目見建康志

陳大使生祠記

王夢父撰目見建康志

吳狀元祠記

孫忻撰目見建康志

野亭贍祠規式碑

目見建康志

楊忠介宗閔墓志銘

江甯金石待訪目卷二

三

劉正一撰在上元鍾山鄉文見建康志

資政管元善墓銘

白時中撰在句容下蜀鎮柔信鄉之原銘見建康志

開國侯劉虎墓志

馮去非撰在鍾山陸家廟目見古金石攷

翰林給事張唐公墓志

呂惠卿撰在上元長甯鄉目見建康志

寶誌公銅像銘

王安石撰在太平興國寺目見陸游金陵世說

寶誌語錄序

朱芾撰在惟政鄉半山寺目見六朝事蹟

羅天感應碑

見劉大彬茅山志

雨花臺總秀堂扁

王埜書目見古金石攷

幔山樓題榜

關蔚宗書目見海岳名言

賁沈碑

目見建康志

張賜記碑

目見建康志顧文莊云二碑不知所謂

登山銘無爲贊

目見建康志

石頭城三大字

江甯金石待訪目卷二

王埜書在清涼寺後目見古金石攷

邀筵步三字

目見金陵瑣事

清涼寺詠竹賦

目見建康志

項王亭賦

在烏江地屬江浦

洛神賦

目見建康志

雞冠石題名

馬光祖書在吳園目見金陵世紀

天開巖張稚圭祖無擇題名

目見盛時泰樓霞小志

張忠定公西園題名

目見古金石攷

柳子厚送薛存義序

目見建康志

賞心亭東坡長短句記

邱宥撰目見建康志

俞氏十勝傳家記

目見建康志

廣惠廟事蹟記

沈寯撰文見建康志

馬裕齋格言六碑

江甯金石待訪目卷二

文見建康志

跋范石湖碑

章口目見古金石攷

跋黃尚書保民親刻

目見建康志

張都督祭病親刻

目見建康志

蘇東坡近移文

目見建康志

真運使版移文

目見建康志

北山移文

目見建康志

祭蔣侯文

蔣堂撰郃必篆書目見六朝事蹟

二王帖

目見建康志

裴將軍帖

目見建康志

宗忠簡公帖

目見建康志

劉給事帖

目見建康志

張于湖帖

江甯金石待訪目卷二

目見建康志

章尙書帖

目見建康志

安撫司書帖

目見建康志

蔣山西庵帖

目見建康志

張丞相帖

目見建康志

蔣山丹霞訪龐居士帖

目見建康志

張于湖孝祥請疏帖

目見建康志

山谷城南帖

見李登繹山碑跋

三米蘭亭帖

目見金陵新志

攝山王雱題名

目見建康志

昭陽亭詩

張孝祥撰目見建康志

昭陽亭餞別詩

木木書目見金陵新志

錢離翁詩

江甯金石待訪目卷二

目見建康志

東坡三過堂詩

在江甯永興寺何太監祠堂壁目見金陵瑣事

此君亭詩

毛漸撰目見建康志

茶蘼亭詩

韓南澗撰目見建康志

魏督相題王文公詩

目見建康志

題明徵君碑詩

米芾撰目見盛時泰棲霞小志

題左伯桃羊角哀詩

胡宗愈蔣之奇周邦彥史彌鞏等題目見建康志

趙忠肅公秋風詩

馬觀文書目見建康志

漁家教詞

蘇軾撰在白鷺洲詞見古金石攷

遊青谿浪淘沙詞

吳吟馬之純撰詞見建康志

六州歌頭

王桢書詞見建康志

元

江甯南門外善世橋碑

趙孟頫書詩見張怡金陵私乘

江甯金石待訪目錄卷二

句曲山洞泉銘

王虛子撰文見劉大彬茅山志

地湧泉三字

元貞四年刻字見盛時泰牛首山志

三聖廟記

劉先庚撰大德三年立文見高道志

集慶路儒學記

楊慎修撰大德五年立文見京學志

東平忠靖王廟碑

楊剛中撰至大二年立目見古金石攷

華陽道院銘

元明善撰趙孟頫書至大三年立目見古金石攷

崇因寺記

僧大訥撰延祐二年立目見蒲室集

崇壽觀碑

虞集撰并書至治二年立文見劉大彬茅山志

靈谷寺鐘銘

趙世延撰泰定四年鑄文見馬益靈谷寺志

羅漢寺記

曹國撰至元四年立文見溧水縣志

上元縣學記

尹田賢撰後至元五年立目見金陵新志

白龜池銘

至正十一年立文見牛首山志

江甯金石待訪目卷二

十四

重修上元縣學記

李桓撰目見金陵新志

顏曾思孟四賢像

目見古金石攷

復取沙洲鄉學田記

湯彌昌撰目見古金石攷

重修集慶路治記

鄭良撰目見古金石攷

曹南王祠堂記

許有壬撰祀阿剌罕目見古金石攷

忠實不欺堂記

張起巖撰廉凱雅書目見古金石攷

鍾山公李建勳祠記

揭傒斯撰在能仁寺危素請建日見古金石攷

永興宮飛龍亭記

虞集撰文見元觀志

洞神宮青谿堂記

李孝光撰目見古金石攷

龍翔集慶寺碑

虞集撰文見道園學古錄

修天禧寺碑

趙世延撰目見古金石攷

太平興國寺記

虞集撰文見道園學古錄

江甯金石待訪目卷二

逍遙庵記

能鼎臣撰地近耆闍寺目見古金石攷

宏道壇記

文見劉大彬茅山志

招隱亭記

謝瑛書在溧水無想寺文見縣志

福鄉井銘

文見劉大彬茅山志

欽器圖

在南國子監目見古金石攷

千字文

趙孟頫書目見古金石攷

眞草千字文

鮮于樞書在南國子監目見京學志

宋盧秉絕句

趙孟頫書原在三山街市中目見瑣事賸餘

祈澤寺元人紀事刻石

目見喬宇游記

江甯金石待訪目卷二

美

金石著錄倣於孔甲盤孟歷兩漢晉宋未有繼作梁孝元嘗撰碑集百卷未久卽已殘闕隋志僅著雜碑三十二卷碑文一十五卷則佚者殆過半矣然百卷義例今不可攷而由隋志分著之目觀之則雜碑似著碑刻名目碑文乃其存全文者卽後世著錄與載文二種所由始也乃歷陳隋三唐五季人無爲其學者至宋歐陽諸家出而學者矜爲創始之精不知古學失傳至是始復而後人踵事增華遂如青出于藍而勝于藍爾南宋徵實之學於今習爲風氣金石著錄訪逸搜奇層見疊出蓋亦有前人之所未及者矣顧驚博者侈其名目鑒賞者炫其評隲錄成文而不見真本則訛舛難憑模拓本而未臨其地則存亡莫考是以撰集雖多鮮能完善而無弊也江甯嚴子子進名宿道甫先生喆嗣紹其家學著書滿家乾隆庚戌同客弇山尙書於

江甯金石記後序

一

武昌節府論文稱莫逆焉因出手著江甯金石記八卷示余則十數年來身歷其境手摩其文訂以六書徵以史傳用備一方掌故者也江甯卽古金陵夙稱名勝之地金石刻畫見於著錄者多不勝收而府縣志乘存錄文辭亦復盈篇累卷然嚴子身所涉歷存者十不二三手之所摩與板本流傳志乘文字訛者十常五六然則考金石於著錄文辭又可盡信乎哉嚴子於古錄之存者必證以今之所見又於今之所見補古錄之所無與空求著目及轉鈔文辭者相去懸絕六書偏旁史傳事實擇其可知者訂之而缺所不可知者不委曲以求備則事可徵信而書無卮言可謂善用其心者矣夫江甯爲六朝都會梁孝元碑集如存古刻當甲于他部矣顧宋元人之著錄久已不見梁集而惟詳于當日之所見聞則雕板之書未行而金石著錄與金

石同有時湮沒也嚴子以其鄉居之習見近用耳目之精詳務實而不務誇惟事而不惟文較前賢之用意有更進者急宜付刻以廣其傳庶幾金石之壽兼資竹帛而不致爲蕭梁碑集之淪失也歟

乾隆五十五年歲次庚戌臘月上澣會稽章學誠跋

江甯金石記後序

二

江甯金石記後序

高失出類

原以與其再流幾金漆之書兼資竹帛而不淫流補梁碑集之  
實而不務誇惟事而不惟文較前賢之用意有更進者急宜付  
刻以廣其傳庶幾金石之壽兼資竹帛而不致爲蕭梁碑集之  
淪失也歟

嘗聞家兄云昔讀顧文莊金陵古金石攷見其存佚未分  
就近世現存者編錄成書復輯未見之金石七百餘種錄  
以待訪目分二卷各依時代分列其各書載有原文者注  
明文見某書僅見其目者注明目見某書攷前人著書有  
兼及江甯金石者惟張敦頤六朝事蹟及周應合景定建  
康志張鉉金陵新志但其中惟碑目現在宜興大吳封禪  
碑溧陽史爽石柱等一在常州一改屬鎮江不應入錄其  
他一字半句見於諸書皆編輯無遺外及山經地志稗官  
小史盡皆采摭校文莊多二百餘種非敢襲美前人也昔  
先君搜羅載籍富有藏書嘗於編搜金石時欲見建康志  
終不可得昨得淵如觀察重刊行世藉以采輯成書惜  
先君未及一見爲可憾也觀察爲後序述及家兄之金石

江甯金石記跋

記欲世之宏獎者一顧其書也今果得

古餘公祖代刊以行得以見重藝林抑何幸歟嘉慶九年歲  
次甲子冬十一月望日弟晉謹識

研友子進夙承家學嗜古雅游壬戌夏同客廬陽應

張鞠園觀察教分修郡志暇日讀所撰江甯金石記暨湖

北金石詩極愛之金石記有裨吾鄉文獻者錄二十餘年

未及行世今蒙

清霽亭

張古餘

周雪泉

兩父臺代為雕板

羣公高誼感

莫能忘第書經三寫魯遂成魚子進復屬相商榷竊歎其

練實厚者蜚聲遠堪與近時陳丈古漁之攝山志

攝山志

十五年

稼門中丞為

陳丈剛潤刻成凡九卷張丈益州之金陵文徵孫芝原之

金陵節孝備考

蘇亭叔之金陵攷古略同為郡乘取材

也至湖北金石詩作于武昌節署精核尤資掌故 淵如

先生一序詳言之矣

嘉慶九年甲子冬十月里同學弟汪拜識

江甯金石記跋



